


風陵文庫
文庫19
F 144
/



光緒丙午夏月

宣講集要

吳經元堂敬鑄

是書覺世牖民洵善本也近因坊刻
多謬句讀不清余詳加校點付諸
剞劂以公同好所賴
洪君子廉為宣播是亦世道人心之
一助云 寶慶吳莘民氏識

御製

聖諭十六條每况為廣初化民之道自童

試以及鄉會均以恭默為喻而庸夫佞

子既不能捧讀

皇章復不得恭聆

生訓於是

諭頒行各省以宣講

聖諭為要示諭各地方大小官員及鄉
里紳耆概行遵講自順治康熙以
迄於今疊奏疊頒誅為剴切而比
周州竟仍然不能通行其所以愚民
不知奧理訓仿型方無善事故也
今見是書於十六條中加以細注徵
引古今事蹟均為實証所採多
種款調益求其善亦屬雅俗參
半差可為宣講推廣之意願多
處儒士紳耆深俾

辨聖教民辱意實心力行以此書為

珍寶則幸甚

翰林院編修郭嵩燾謹撰

宣講集要首卷

目錄 前序

宣講

聖諭規則

凡例

欽定學政全書講約事例十五摺

四川全省督撫札諭七章

世祖章皇帝聖諭六訓

聖祖仁皇帝聖諭廣訓十六條

欽定四言韻語

宣講集要首卷

宣講

聖諭規則

引讚賓旁立云 大眾肅靜今為宣講

聖諭敦行儀禮

鳴金 擊鼓 諸生虔誠排班 就位 跪 叩首叩首三

叩興 亞跪叩首叩首六叩興 三跪叩首叩首九叩興 詣

聖諭臺前跪 代讀生恭讀

世祖章皇帝

聖諭六訓 讀諭生云

第一訓 孝順父母

第二訓 尊敬長上

第三訓 和睦鄉里

第四訓 教訓子孫

第五訓 各安生理

第六訓 毋作非為

引讚賓云恭讀

聖祖仁皇帝

聖諭廣訓十六條

讀諭生云

- 第一條 敦孝弟以重人倫 第二條 篤宗族以昭雍睦
- 第三條 和鄉黨以息爭訟 第四條 重農桑以足衣食
- 第五條 尚節儉以惜財用 第六條 隆學校以端士習
- 第七條 黜異端以崇正學 第八條 講法律以儆愚頑
- 第九條 明禮儉以厚風俗 第十條 務本業以定民志
- 第十一條 訓子弟以禁非為 第十二條 息誣告以全善良
- 第十三條 誠匿逃以免株連 第十四條 完錢糧以省催科
- 第十五條 聯保甲以弭盜賊 十六條 解仇忿以重身命

引讚生云恭誦

文昌帝君蕉窗十則

讀諭生云

- 一戒淫行 二戒意惡 三戒口過 四戒誇功 五戒廢字
- 六敦人倫 七淨心地 八立人品 九慎言語 十廣教化

引讚生云恭誦

武聖帝君十二戒規

代讀生云

- 一戒不孝父母 輕慢先靈者同罪
- 二戒侮慢兄長 兄不友愛弟者同罪
- 三戒道人過失 自飾已短者同罪
- 四戒好勇鬪狠 包匿險心深藏不露者同罪
- 五戒驕傲瀟假 固吝良言不開愚昧者同罪
- 六戒汗穢竈君 不敬天地神祇者同罪
- 七戒嫖 房慾過度及造淫詞者同罪
- 八戒賭 遊手好閒及作無益者同罪

- 九戒打胎溺女 溺愛子女不教者同罪
 十戒食牛犬鯢鱔等肉 並好食山禽水族洋煙者同罪
 十一戒穢溺字紙 謗聖賢假刀筆者同罪
 十二戒唆人爭訟 自好訟者同罪

引讚賓云恭讀

李佑帝君家規十則

代讀生云

- 一重家長 二整禮儀 三理家規 四勤執業 五節費用
 六立內正 七教新婦 八端蒙養 九睦宗族 十正己身

引讚生云恭讀

竈王府君訓男子六戒

代讀生云

- 一戒不孝父母 二戒不和兄弟 三戒嫖賭溺女
 四戒鬪狠唆訟 五戒穢汙字紙 六戒談閨闈

引讚生云恭讀

竈王府君訓女子六戒

代讀生云

- 一戒不孝公婆 二戒不敬丈夫 三戒不和妯娌
 四戒打胎溺女 五戒拋撒五穀 六戒豔粧廢字

引讚生云恭讀

竈王府君新諭十條

代讀生云

- 一順父母 二戒淫惡 三和兄弟 四信朋友 五忍口
 六節慾 七除驕矜 八息爭訟 九廣施濟 十培古墓

引讚生云恭讀

宣講壇規十條

代讀生云

- 一壇內安排停妥禮儀潔淨
 一入壇身體潔淨衣冠整齊

一宣講言語温文明白曉暢

一每日黎明即起誦維聖訓格言

一於訓語虚心體會不可自作聰明

一於同人勸善規過不可口是心非

一於出入進禮退義不可自矜富貴

一於師尊禮儀隆重不可狎侮老成

一見人婦女若姊若妹不可稍起邪心

一於退壇時靜坐默揣不可浮言妄動

引云諭戒壇規誦畢叩首叩首叩首興禮成司講者登臺恭讀

王章

凡例

一宣講惟以

聖諭為主自不必參入他說故首卷只載

欽定講約事例六訓及廣訓後十三部均發明此義一切格言另入他卷庶不

淆混

聖諭

雖二十二條而六訓之義盡括於廣訓之中所以場中只默寫廣訓若必均列案證必致互相出入故只於廣訓十六條列案而六訓之案依類載入庶幾眉目清楚

一案證須取確當其一切荒唐悖謬者概行削去

一案各有名原無深意其每將案名更改者取其便於指名查稽庶不致

重複

一歌詞要言祇以補

聖諭之所未及其已及者不錄但孝字前十六卷並無歌辭故將要言及一切勸孝歌概行收入其他鄙俗及無意味必不收入

欽定學政全書講約事例

順治九年頒行六諭臥碑文於八旗直隸各省

欽定六諭文

孝順父母

恭敬長上

和睦鄉里

教訓子孫

各安生理

無作非爲

順治十六年議准設立鄉約申明六諭原以開導愚氓從前屢行申飭恐自引視爲故事應嚴行各直省地方牧民之官與父老子弟實行講究其六諭原文本明白易曉仍據舊本講解其鄉約正副不應以土豪僕隸奸胥蠹役充數應會合鄉人公舉六十以上曾經告給衣頂行履無過德業素著之生員統攝若無生員卽以素有德望六七十歲以上之平民統攝每遇朔望申明六諭並旌別善惡實行登記簿冊使之共相鼓舞

康熙九年十月十五日 禮部為欽奉

上諭事本年十月初九日奉

上諭諭禮部朕惟至治之世不專以法令為務而以教化為先其時人心淳良風俗樸厚刑措不用比屋可封長治久安茂登上世蓋法令禁於一時而教化維於可久若徒恃法令而教化不先是舍本而務末也近見風俗日壞人心不古囂凌成習僭濫多端狙詐之術日工獄訟之興靡已或豪富凌轢孤寒或劣紳武斷鄉曲或惡衿出入衙署或蠹棍詐害良善荏苒之劫掠時間離忿之殺傷屢見陷罹法網刑所必加誅之則無知可憫宥之則憲典難寬念茲刑辟之日滋良由化導之未善朕今欲法古帝王尚德緩刑化民成俗于凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習黜異端以崇正學講法律以儆愚頑明禮讓以厚風俗務本業以定民志訓子弟以禁非為息誣告以全良善誣匿逃以免株連完錢糧以省催科聯保甲以明盜賊解仇忿以重身命等項作何訓迪勸導及作何責成內外文武該管各官督率舉行爾部詳察典刑定議具奏特諭欽此欽遵

禮部頒行

上尚德緩刑化民成俗十六條各直省遵行已久但百姓善良者固多犯法者不少喜爭好訟奢侈浮華干犯名義所在時聞故立鄉約講說見得人人有箇父母有箇兄長人倫最重故第一條要敦孝弟以重人倫父母兄弟之外便有宗族雖比父母稍遠還是一本宗派流傳下來須該認得親切休得視同陌路故第二條要篤宗族以昭雍睦宗族之外便有鄉黨非友即鄰非親即故或係父兄同輩或係宗族姻親乖戾不和定生禍隙故第三條要和鄉黨以息爭訟百姓雖然習業不同畢竟耕田養蠶是衣食根本一處田荒便缺了一處

米一處蠶荒便缺了一處衣故第四條要重農桑以足衣食

又怕豐衣足食看得錢財輕了濫費濫用來處甚難去處甚易故第五條要尚節儉以惜財用

財用有了讀書俊秀之人逞著乖巧不守正道狂蕩無禮士習漸壞故第六條要隆學校以端士習

聰明之人雖不至流入下賤喪身敗家然或好異取新把聖賢正論視為迂闊甘心左道惑世誣民最為可恨故第七條要黜異端以崇正學

明曉之人胸中知有法度不去犯他至若愚頑一種不知法律是怎麼樣誤踏陷穽故第八條要講法律以儆愚頑

朝廷法律不得已而用若能人人依禮事事謙恭心氣自然和平風俗自然淳厚就自法律也犯不著故第九條要明禮讓以厚風俗

士農工商各有生理人人有應作的本業若舍了本業卻去分外貪圖妄謀利欲志向不定致將本業拋荒就流為遊手好閒之徒故第十條要務本業以定民志

自己作定一業若不教訓子弟恐其不守本分為非作歹作父兄的須要訓誨或讀書或工藝自有本分事業不可非為第十二條要訓子弟以禁非為

若能照前邊幾條作去就是良善的百姓誠恐地方刁棍生出事端妄報捏告拖累破家故十二條息誣告以全善良

百姓雖不去為非作歹常有意外事情株連牽告即如逃人一項無辜致累籍沒流徙一時不慎追悔何及故第十三條要誠匿逃以免株連

百姓種了

朝廷田土收了籽粒應納錢糧自該依時輸將何待有司徵比不徒累及有司攷成自己還要加倍費錢受苦故第十四條要完錢糧以省催科

禮部頒行

功令最重盜案一處失盜貽害不淺只因好歹混淆難以稽查若百姓自

相團結互相覺察盜從何生故第十五條要聯保甲以弭盜賊

人幸生蕩蕩平的世界與父母妻子完聚歡樂豈不快活便須愛惜身命不可輕

生造孽以致家破人離卽有冤對亟宜消釋何況小忿故第十六章要解

仇忿以重身命

以上十六條總是

當今皇上念念要天下太平百姓安樂的意思所以設此條通行各省勸我輩

俱要遵依悔悟共承

皇上的意思

康熙十八年浙江巡撫將

上諭十六條衍說輯爲直解繕冊進呈通行直省督撫照依奏進鄉約全書

刊列各款分發府州縣鄉村永遠遵行

康熙二十五年議准

上諭十六條令直省督撫轉行提鎮等官曉諭各該營伍將弁兵丁併頒發

上司各官通行講讀

康熙五十二年議准直省老人慶祝

萬壽聖節

賜宴後恭奉

上諭應載入

上諭十六條內行令直省府州縣及凡土司地方照例於月朔并行講解

諭直省老人帝王治天下發政施仁未嘗不以養老尊賢爲首務今日之會

特出厚意若孝弟之念少輕而求移風易俗其所厚者薄矣爾等皆是耆

老比閭鄉井各曉諭鄰里須先孝弟倘天下皆知孝弟爲重此誠移風易

俗之本也昨甘霖大降朕心大悅爾等無負農時求回本地

雍正二年

御製

聖諭廣訓萬言頒發直省督撫學臣轉行該地方文武各官暨教官衙門曉諭軍民生童人等通行講讀

雍正七年奏准直省各州縣大鄉大村人居稠密之處俱設立講約之所於舉貢生員內揀選老成者一人以為約正再選樸實謹守者三四人以為值月每月朔望齊集鄉之耆老里長及讀書之人宣讀聖諭廣訓詳示開導務使鄉曲愚民共知鼓舞向善至約正值月果能化導督率行至三年著有成效督撫會同學臣擇其學行最優具題送部

引

見其誠實無過者量加旌異以示鼓勵其不能倡率怠惰廢弛者即加黜罰如地方官不實力奉行者該督撫據實參處

乾隆元年議准直省督撫應嚴飭各地方官將約正值月宣講

聖諭之處實力奉行不得視為具文

又議准直省各州縣於各鄉里民中擇其素行醇謹通曉文義者舉為約正不拘名數令各就近村鎮恭將

聖諭廣訓勤為宣講誠心開導並摘所犯律條刊布曉諭仍嚴飭地方官及教官不時巡行講約之所實力宣諭使人人共知倫常大義如有虛立約所視為具文者該督撫即以怠荒廢弛題參照例議處乾隆二年議准約正值月原令州縣官於各鄉舉行不論士民不拘名數惟擇其人以行化導之事自宣講

聖諭廣訓之外並將

欽定律條刊布曉諭比年以來屢經嚴飭地方官及教官實力奉行但恐各省之內尚有未及刊布之處應再行令直省轉飭各州縣摘取簡明

律例並和睦鄉黨之

上諭彙刊成冊酌量大小各鄉村徧行頒給仍令州縣各官董率約正值月

勤爲宣講該督撫嚴加查察毋使視爲具文

乾隆三年議准本年三月戶部欽奉

上諭一道恭繹

旨內事理原因民間富厚之家囤積錢米希圖漁利爲富不仁并八旗之人

不知撙節無補生計上虞

聖懷反覆開導業經戶部刻刻發八旗各衙門內於五城內外通衢出示

曉諭俾人人觸目警心並令八旗五城及順天府轉飭所屬州縣每

逢朔望宣講

聖諭廣訓之後再將所奉

上諭明白講解切實曉諭俾兵民人等俱得領會庶可觸發其天良以副

聖主諄切訓誨之至意

乾隆五年奉

上諭從來爲治之道不外教養兩端然必衣食足而後禮義充故論治者往往先養後教朕御極以來日爲斯民籌衣食之源水旱之備所期薄海悉黎蓋藏充裕俯仰有資以爲施教之地而解慍阜財之效尙未克副朕懷第思維皇降衷有物有則衣食以養其身教化以復其性二者相承而不相妨不容偏廢正如爲學之道知先行後然知行並進非劃然兩時判然兩事又安得謂養之之道未裕遂可置教化爲緩圖也今學校徧天下山陬海澨之人無不挾詩書而遊庠序顧學者徒以文藝戈科名官司以課試爲職業於學問根本切實用功所在概未暇及司牧者盡心於簿書筐篋或進諸生而譚舉藝則以爲作養人材振興文教其於閭閻小民則謂是蚩蚩者不足與興教化平時不加迪訓及陷於罪則執法以繩之無怪

乎習俗之不淳而詬誶囂凌之不能禁止也朱子云聖人教人大概只是說孝弟忠信日用常行的話人能從上面做將去則心之放者自收性之昏者自明此深探立教本源至爲切實蓋心性雖民之秉彝而心爲物誘則放性爲欲累則昏存心養性非知道者不足與幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是卽如一食必先以食父母得一衣必先以衣父母此卽是孝能推其心而凡所以順其親者無不至則爲孝子父之齒隨行兄之齒雁行此卽是弟能推其心而凡所以敬其長者無不至則爲悌弟一人如此人人從而效焉一家如此一鄉從而效焉則爲善俗孟子曰人倫明於上小民親於下又曰人人親其親長其長而天下平由是道也惟在上者不爲提撕警覺則習而不察而一時之明不勝夫積習之漸染重昏錮蔽日入於禽獸而不自知任君師之責者奚忍不爲之重申而切諭之也我

聖祖仁皇帝頌

聖諭以教士民首崇孝弟

皇考世宗憲皇帝衍爲廣訓往返周詳已無遺蘊但朔望宣講祇屬具文口耳傳述未能領會不知國家教人字字要人躬行實踐樸實做去人倫日用正是聖賢學問至切要處堯舜之世比戶可封只是能盡孝弟放辟邪侈觸陷法網只爲不知孝弟記曰將爲善思貽父母令名必果將爲不善思貽父母惡名必不果誠能如此存心豈復有縱欲妄行之事苟不從此處切實做起雖誦詩讀書高談性命直謂之不學可耳凡有牧民課士之責者隨時隨事切實訓誨有一事之近於孝弟則從而獎勸之一事之近於不孝不弟則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必

從此始凡吾赤子其敬聽諸凡厥司牧其敬奉諸

又議准豫省民愚易誘少壯習于拳棒恐被邪教之人煽騙入夥宜
嚴查申禁兼於每月朔望宣講

聖諭之時該地方官親身勸導將律內所載邪教妖言等各條定例分晰講
解並將雍正五年所奉嚴禁學習拳棒

諭旨朗暢宣讀俾知所警惕而不敢為非

又議覆雲南按察使張坦熊條奏令州縣教官宣講

聖諭廣訓化導愚民一疏查約正值月原于舉貢生員內揀選即古問師黨
正之遺意至教官雖有化導之責但各州縣所轄鄉村鎮市勢難徧
及且訓課諸生尚有不時講課之事若令每季周行村鎮必至不能
兼顧應照原議令約正等勤為宣講仍飭地方官與教官不時巡行
稽查毋庸更易章程至大小各官凡遇士民吏役聚集之時公事畢

後俱照前委曲開導兵丁令該管官弁於操演之際詳切教訓各宜

義學令教習于生童課試之日諄諄訓誨實力奉行

又議准應令州縣於各鄉中選擇老成公正眾所素服者授為鄉約
免其雜差俾專心勸導如勸導有方三歲之中全無爭鬪命案者詳
報藩司給匾獎勵

乾隆九年覆准現在所有申明亭俱行修整應將所奉教民

勅諭繕為刊刻敬謹懸挂並將舊有一切曉民條約悉行刊刻木榜俾郡邑
士民瞻仰傳誦共遵

聖化而永沐

皇仁其舊有申明亭而現為胥役人侵佔者查出悉行交官修葺至原無
申明之處及傾圮僅存基址者毋庸糜費重建應令各該督撫即於
該地城市通衢可以安置木榜之所酌量辦理所屬修理工料及添

設木榜等費不得任聽該地方官借端科派應令各該督撫照例報明戶部工部覆議飭遵再查申明亭舊制凡不孝不友及一切為惡之人書其姓名於亭能改過自新者則去之應仍照舊制遵行又覆准直省督撫應將謀故鬪殺剋墳奸盜等類及事關倫常風化並將各地方風俗所易犯法律所必懲者諄懇明切刊刷告示每年分發所屬府州縣轉飭各鄉約正值月於每月朔望宣講

聖諭之後務必實心宣諭勸誠使之家喻戶曉戒懼常存地方有司不得視為具文

乾隆十一年議准三齊等三十六寨番民歸隸茂州管轄應于該寨適中地方設立講約處一所每月朔望該州暨儒學等官輪流前往督率在城約正帶同通事至該寨傳集番民宣講

聖諭廣訓其整飭地方利弊文告及律例仍擇取數條釋講務令家喻戶曉咸知畏法

又議准各省督撫應將有關於忠信孝弟禮義廉恥扶尊抑卑正名定分等事擇其明白淺近之詞刊刻告示每年分發所屬府州縣衛於大小鄉村徧行布貼並轉飭各鄉約正值月朔望宣講

聖諭之後即以方言諺語為愚民講說至

上諭十六條內擇其輕重緩急分別四時輪流布貼之處惟在該地方官因地制宜隨時辦理總期於不涉虛文亦不必拘以一格再州縣官員每年於境內通行徧歷逐一體察不必限以一月一次府道大員按季巡查隨時隨地加以教化不必以教職代行徒滋繁擾乾隆二十三年議准導民當祛其所感禁惡在先絕其源應令各直省督撫轉飭所屬州縣嗣後宣講

聖諭必須實力奉行除每月朔望二次宣講外或於聽訟之餘以及公出之

便隨事 可加以提命不妨以土音諺語敬謹詮解明白宣示並將現禁一 教等律例詳細刊板刷印徧貼城鄉俾知奉公守法各安耕鑿倘仍有奸民斂錢賽會私立淫祠或託言用符治病誘民遠來入會等弊即嚴行查拏按律治罪

乾隆四十二年覆准民間最為易犯之條莫如姦盜及鬪毆人命等項而姦淫鬪殺之中關係倫常罪名遞重鄉曲蚩愚尤未必盡能通曉往往身陷于法追悔無及應飭各省督撫將律例內民間易犯奸盜鬪毆人命各條令各該省臬司刊刻告示并各就其民風習俗所近臚列詮釋印發各州縣張貼鄉城通行曉諭每年春令更換一次仍令地方有司督率鄉約明白宣講使鄉邑之中輾轉傳述互相勸勉以期共臻無刑之治

乾隆五十年陝甘總督福康安奏准陝甘二省回民較多仰蒙

聖澤涵濡以養以教馴其桀傲之氣即可化其頑梗之風嗣後每遇朔望應

令各屬州縣召集回民同漢民一體宣講

聖諭廣訓俾咸知孝弟睦姻以資化導

又議覆工科給事中孟生蕙條奏順天大宛兩縣暨五城地方應一體宣講

聖諭廣訓一摺查各省州縣於每月朔望宣講

聖諭廣訓原為僻壤小民鄉愚無知之徒不知禮儀法度使其耳濡目染知所感化束師為首善之區內城居住者多係旗人自幼無不講讀

聖訓即土著居民生於輦轂之區一切政令禮法咸所聞知若於城內講讀

聖訓聚集多人徒滋紛擾自可毋庸辦理至大宛兩縣向來原係每逢朔望

講讀

聖訓近來恐有奉行不力者而五城所屬地方遼闊恐鄉愚小民不克周知

宣諭錄要 卷首
五
應請交順天府五城遵照舊例辦理

嘉慶二年大學士會同議准兩廣總督吉慶等奏慶西西隆州等處苗民善後事宜內開請宣講

聖諭廣訓以敦風俗一款據稱泗屬僻處邊隅民情未免獷悍果能化誨有方未始不知改革卽如西隆州屬村寨初被黔苗誘脅幾至十之六七迨至宣揚

聖德示知

天威將利害二字詳覆曉諭無不翻然悔悟革面洗心查各學教官職任清閒籍隸本省語言風俗大概諳知應請將

聖諭廣訓十六條令該教官按季恭賚下鄉周巡一次每到村寨諄諄宣講務使民日遷善風俗還淳仍令宣講傳至村寨按季通報責成知府督率稽查倘虛應故事及稍有擾累卽行參究等語查泗城府屬僻處邊隅民情獷悍自應如該督等所奏按季宣講

聖諭廣訓以取易俗移風之效

嘉慶四年奉

上諭昨候補知府那英押解教匪首逆高均德及高成傑到京據稱高均德在途小懷畏懼不肯飲食經伊等用言哄誘告以到京必可邀恩釋放仍令回至川陝隨同官兵打仗高均德聞而欣喜並于沿途驛站索銀積至五百餘兩且給與抬夫所積存銀兩擬於釋回赴軍營時作爲犒需等語高均德身犯大逆重罪一聞解官哄誘之言卽深信不疑而可已 在地方官慮其不食餓斃干係處分給與銀兩尙無不合但高均德竟不知所犯係必死之罪亦可謂下愚不移矣因思愚賤之民敢于聚眾謀逆罪由自取而揆其罔知法度之由則係地方官平日不能化導所致各官地方有司每逢朔望有傳集民人

宣講

聖諭廣訓之事如果膺民牧者能教以大義於國家設立科條摘其大端剴切宣示俾聞聽之民知所領悟則不但循謹良善聞而忻慕卽桀傲不馴之徒亦當知所斂戢今高均德係倡亂首逆拒抗官兵伊卽毫無知識豈於謀反叛逆萬無可赦之條亦竟不知乃於拏解在途竟作倖生之想在此等悖亂之徒同于禽獸原無足惜而覈此情節其愚鈍無知轉覺可憫致治以教化爲先如論語所云道德齊禮有耻且格固難驟期其效但地方大小官員有教育斯民之責豈可視爲迂闊置之不講嗣後不但朔望宣講

聖諭廣訓當明切講論卽公堂聽獄赴鄉勸農時皆可隨時訓導啟發顯蒙庶默化潛消可漸收移風易俗之效毋得視爲具文虛應故事特此

嘉慶五年奉

上諭給事中甘立猷奏請于京師地方照例宣講

聖諭廣訓一摺朕於上年曾經降旨令各省有司每逢朔望謹將

聖諭廣訓剴切宣示俾小民知所領悟各地方官員自應實力奉行况京師爲首善之區尤宜先爲開導以期化行自近嗣後著五城順天府大興宛平二縣各官選舉鄉約耆老於朔望之日齊集公所宣讀

聖諭廣訓按期講論毋得視爲具文日久廢弛以副朕化民成俗至意

嘉慶十三年御史史積中奏稱

聖諭廣訓十六條舊令地方大小官員朔望宣講但遵行已久非明示勸懲致恐廢弛應令督撫大吏詳加攷覈有實力宣講者量加獎勵如視爲具文不認真宣講者卽爲參核八旗則責令各都統查明舊定章程遵照舉行又各省文童入學覆試有恭默

聖諭廣訓之例鄉會大典宜一體辦理其文童府縣考覆試亦照入學覆試之例恭默至

各咸安宮官學及八旗各學亦令該教習照直省府州縣各學之例于朔望日傳集官學生恭默

聖諭廣訓一條因具奏奉

硃批大學士會同禮部議奏遵

旨會議該御史所奏宣讀

聖諭除令地方大吏考覈及八旗都統遵照二條業蒙

聖明指示各應欽遵辦理毋庸再議外至該御史所奏請鄉會試一場添

默

聖諭廣訓一條雖為薄海士子熟習

聖諭起見惟是

聖諭廣訓生童自老年讀書咸知服習故于入學時令其默寫蓋欲其童而習之涵濡日深立法已為周備各士子等惟當身體力行自徵實效似不必于鄉會兩試重立默寫之條至於府縣兩試及院試均屬考試童生院考時既定例恭默則府縣兩試不必再令重默再查國子監現成學規凡每月朔望令八旗教習率官學生赴監當堂背誦

聖諭廣訓生疏者即行申飭仍令該教習等每遇試期於官學生內年歲稍長者詳細講究俾共知曉等語是旗人自幼亦無不講讀

聖諭者所有該御史奏請令教習朔望講課一節既係現行之條亦毋庸議嘉慶十四年奉

上諭御史周鉞奏請復講約舊例實力奉行以敦風化一摺順治年間欽定六諭又康熙年間頒發

上諭十六條雍正二年復頒發

聖諭廣訓通飭各直省地方官於每月朔望剴切宣講務使鄉曲愚民共知其善仰見

列聖關心民瘼教養兼施所以爲世道人心計者至深遠也牧令爲親民之官向例計典屆期各州縣有能宣講

聖諭實力奉行該督撫卽列入卓薦之內原以該員等有教民之責承流宣化正藉此以鼓勵官階乃近年以來各地方官歷久懈生率視爲奉行故事竟至日形廢弛所謂化導斯民者何在嗣後順天五城所屬地方並各直省督撫所屬州縣務當飭令一體恪遵舊例於每月朔望日傳集城鄉居民敬將

聖諭各條曉諭宣讀行之以實毋得視爲具文庶民風不變治道益臻上理

附刻

國朝湯相國字潛庵巡撫江南時札諭

古昔盛時士有庠序學校以樂其群民有比閭族黨以萃其渙禮讓興行風俗僕茂邇來教化不明人心陷溺父兄之訓戒不先里黨之薰陶無素因之一善未聞多以惡敗至於犯法有司輒執三尺以繩之輕則杖笞重則絞斬每歲讞獄之章常至千餘本院昔承乏綸閣閱諸曹奏牘每至大獄輒反覆不置竊嘆誰無父母誰無妻子一旦身罹刑辟莫能救助爲之泣下夫先王以刑弼教非以刑爲教也一言不教而惟刑是加豈父母斯民之意乎今奉

命撫吳見俗尙奢華人情囂詐訐訟見于宗族仇殺起于比閭秦伯季子之風微而專諸要離之習勝欲挽回末流馴致循良條約品頒未見省改中夜思維人心本善豈盡下愚不移從容漸摩自當感動鄉約

之法最為近古恭讀

上諭十六條聖人之言廣大精微修身齊家之道遷善遠罪之方總不外此
官吏定期每月朔望會集士民於公所其鄉鎮等處各擇一空閑祠
宇選年高有德為鄉人所重者敬謹講說務要明白痛切使人感動
平居無事則互相叮噓一有過失則彼此詰責共存天理共守王法
孝親敬長講信修睦敦尚樸實解息忿爭無負
聖天子尚德緩刑化民成俗至意

內大臣兵部尚書兼都察院右督御史總督四川等處地方軍務兼理糧
餉管巡撫事嘉勇男加五級紀錄十一次福 為嚴飭設立專司宣
講

聖諭以敦風俗以重考成事照得牖民所以善俗而分職期于效能我

皇上敬

祖法

宗子惠群黎闔澤覃勇太和翔洽以

睿知聰明之

聖致勞來匡直之休海宇山陬無不醴風下播唐虞三代之治何以復加
乃川省嶺岷獨多不靖致有咽匪名目肆行搶劫寢至拒捕逞凶蔓
延他省其餘作奸犯科扞法觸禁比比而然每年秋審多至數百餘
案良由地方有司化導未周鄉僻小民罔知法紀逞其暴凌之習遂
至自蹈刑章未必凶惡性成甘心匪僻也伏讀

聖祖仁皇帝聖諭廣訓十六條仁至義盡剴切詳明所以正人心而維風俗
者鉅細本末無不兼該所在各省實力奉行宣講誠能殷心訓勸動
其天良士民日積月累必有能變之者本部堂下車伊始訪知蜀中

自軍興以來此舉束之高閣何怪閭閻之間毫無儆省之思讀法垂諸古訓而實政必貴專司若僅令地方官於朔望之辰鳴鐘張蓋前詣公所禮生鄉約捧讀一周闕然各散講者不晰其義聽者不得其詳欲令觀感自新其可得乎且各州縣身任地方簿書執掌責令時往鄉閭家喻戶曉勢亦實有難行唯教職一官本省銓選語音俱各相通該員等名爲木鐸師表一隅才具可勝民社俸滿例應保舉自應留心講究出力習勤使之勸諭鄉民藉以課其才具順俗向方似爲甚便合亟飭議爲此牌仰布政司會同按察司各道立將教職如何分別季分月分前往各鄉敬謹宣講並將律例中搶竊強盜抗官奪犯賭博私宰等事如何摘出另成卷帙一併講解務須淺譬曲喻共爲通曉俾使悅耳信心動色告誡以期俗樸風醇不致無知誤犯其下鄉一切夫車販食作何責合州縣備某時前來某鄉如何隨時具報勤惰如何懲勸功過作何考覈民行日新如何優保鄉民仍有觸法作何查參均卽逐一妥議限十日內詳候查核本部堂行將入

告毋得視爲空談稍有率忽速速此札

該四川布政使司查禮按察使司孫嘉樂鹽茶道林儻川北道明安署川東道時昇額建昌道陳奉茲署松茂道段玠永甯道劉晉棠欽惟

聖諭廣訓一書由十六條而演爲萬言誠

列聖牖世覺民之心法普天率土億萬世臣民共獲欽依行之罔斃四川通省府廳州縣向亦謹依

功令每月朔望各就城市公所齊集宣講原不遽易家喻戶曉且刑錢案牘旣易分心尤易分身閒有良吏幹才尙不免于作輟其在循分

供職者幾將正德厚生之實政視爲條教號令之虛文近來川民氣習冀競獄訟繁興動干大法良由地方有司化導未周之所致今蒙憲台量官課職因事制宜專飭教職臨鄉宣講實化民成俗澄本清源之良法善政本司道公同移議彼此籌商應請通飭各屬如府縣同城共設教職六員或四員及州縣設有教職二員俱定爲每月分往四鄉敬謹宣講一周若單州小縣僅設教職一員其幅隕在百里以內者亦按月挨鄉巡講或往返路在三四百里以外者卽合按季周歷一次此外尙未設有教職如重慶府屬之江北廳敘州府屬之治波廳雅州府屬之打箭爐廳天全州雅安縣及直隸之酉陽州屬之秀山縣並新設之理番廳亦由該管府道按季于鄰近額設教職兩員之處輪委一員巡講周遍總期訓俗型方不失古遺人以木鐸徇于路之意各該廳州縣按計道里遠近村屯多寡預擇公所示定確期資給教職舟車飲食等費依期前往所到之處一切地方大小公事民詞全不干預傳同該處齋長並士民人等敬將

聖諭廣訓

明白剴切宣畢再將摘錄律例中賭博鬪毆搶奪強劫竊盜窩匪抗官奪犯逆詞邪教僞印假官私鑄私硝宰牛唆訟姦拐一切民間易犯條款一切講解均須常言俗語淺譬曲喻或切指士風或旁引近事務使村農市販老嫗稚子傾耳警心生其廉恥之真動其身家之愛卽令該教職將本季本月宣講過地方日期牒報該廳州縣每逢朔望仍同文武卽未赴鄉之教職在城齊集宣講實力奉行毋致虛應故事印官因公下鄉順便亦卽董率教職共相反覆宣講不嫌重複藉以稽查教職勤惰該管府道直隸廳州膺次確查密訪該教職或辦理認真或虛文塞責隨時分明詳請記功記過以示勸懲其所教之處果能不犯賭盜逞凶聚眾等案一遇外來匪徒入境卽行

查出舉首毫無藏匿者是民行日新教化有效請將該教官行文獎勵記入檔案於

訓典卓異或俸滿保薦倘所教之地仍前為匪犯法之案並無減少請將該教官嚴行申飭如何年之後毫無成效即將該教職甄別查參宣講

聖諭廣訓既令概用常言俗語本司道現經條會擬讀令常言成卷似可

稍資各教職觸類旁通推廣宣講之又民間易犯律條亦經本司道摘錄成卷隨案附賚是否有當理

憲臺俯賜查核如蒙鑑定批允並將

恭藏

聖諭廣訓原板謹敬刷印裝釘再行通頒府州縣暨儒學各一部並將現擬之讀令常言及民間易犯律條分

代實為公便等情奉

總督部堂福批教職專司宣講據擬按季按月挨鄉周歷未設教

官各廳縣另于鄰近輪委均屬周到妥協

聖諭廣訓闡為常言俾令通俗易曉及摘錄律例各條亦俱簡當加詳即速通飭遵行惟查善教難期速效良法務要力行川省疲玩成風稽查稍有未周鮮不視為具文置之高閣是在該司道實認定此事實為訓俗型方要政隨地隨時加意實察無論衝村僻僻法在必行一有懈弛宜加詳揭俾勤者知勸惰者知懲治法治人交相為用而持之以久將見民行日新刑章可指上以慰

九重慈惠之仁下以錫萬姓恬熙之福本部堂實有厚望慎勿始勤終怠一暴十寒轉謂于迂疎寡效也此繳

兵部尙書兼都察院右都御史總督四川等處地方軍務兼理糧餉管
巡撫事忠勇巴圖魯常 爲通飭遵辦事照得懸書示範固爲設教
之準繩明理正心必待童蒙而學習故龍門講學化洽黔黎精舍楮
經讓敦閭里然而性情各異良莠不齊欲其趨向之端必先啟發其
本但五經四子理奧而難窺三字千文易讀而無益欲其中孝弟農
桑錢糧保甲息訟黜邪化頑立懦人情日用之事無不備載易明易
行讀而有益者誠未有若

聖諭廣訓一書者也所有內載

訓典十六條辭約理賅言近旨遠於啟發感興之道最爲深切詳明故定例
令各該地方官於朔望日明白宣講並於歲科兩試以及錄科考遺
復令新進童生暨貢監等默寫所以正人心而厚風俗法至善也本
督部堂下車之始卽率同司道刊刷

聖諭廣訓

後義檄發通省地方官率領各該處師生紳士人等實力分段宣
講久經通飭遵行在案惟是每逢講期就聽者在讀書明理之人自
能佩韋洛守身體力行而氓之蚩蚩不知世務者未必卽能深曉其
義卽或稍有知覺警悟于心久而漸忘仍若秋風之過耳况鄉市分
講僅于一月中宣講數次豈能時時領會而窮鄉僻壤亦恐不能通
知是則徒有虛文仍無實效本督部堂再四熟籌每見世俗童子無
論貧富束髮受書之時爲父師者多令其讀三字經千字文等書雖
句讀簡捷易於成誦自是而進未始非可進德修業第貧窮之家不
能以詩書爲業者方學伊唔卽行廢棄不獨持此處世之道曹然不
解甚至無所不爲敗倫犯法此雖教化所難馴亦當日父師未端其
本故也今本督部堂欲令通省府廳州縣將

聖諭廣訓衍義一書刊印多本給發各該屬城鄉市鎮一切官學義館凡有

子弟就學發蒙受讀之始必先以此書與讀以爲根本童而習之終身可記俾知識開時卽明禮義不致漸染澆漓之習導其愚頑以爲良善在力學者克己潛修臨場默寫既不致蹈懷挾之弊一至飛黃騰過卽可爲

聖朝楨幹之全才而改業者或農工或商賈亦可安分守法保其室家並可望其轉相傳述化道顯蒙較之縣鐸振輶者不亦功效速而教易行乎該地方官更宜首先倡義捐置義學延師訓誥凡窮民子弟力不能讀書者使其就學卽讀是書明爲講解從此家習戶誦朝斯夕斯則雖村夫牧豎目染耳濡亦必能口誦其詞心領其義似與偶然聽講者尤覺切近而易行然總在該地方實力實心奉行無懈仍于因公下鄉之便親赴書院考察師生能盡解者予以獎勵不能者卽以記過以冀自新務期均明大義悉歸善良自是日盛月新始終如一不但氣質變化比戶穆雍卽擊壤讓畔之高風未始不可再見于今日也誠能如是庶足以仰副

皇上諄諄訓誡化民成俗之至意而本督部堂闡揚之初心亦更可稍慰矣除行布按兩司按通省各廳州縣約計若干本先行刷印並出示曉諭外合就札行爲此札仰該縣卽行遵照辦理立卽自備紙工專差赴司刷印領回散給誦習其有設立鄉學各處亦一體散給一面出示剴切曉諭並傳齊各該處紳耆申明大義鼓舞大興俾各樂於從事以冀有成行之旣久將見政簡刑清化行俗美該員等亦可藉以報循良之績矣勉之望之仍將遵辦緣由並設立義學處所或向未設立現須遵札辦理之處先行稟覆毋違此札

嘉慶二十一年十二月十九日常

聖人治世之書莫大於典謨訓誥莫詳於周禮周官尤莫切於我

聖祖仁皇帝

世宗憲皇帝

聖諭廣訓一書其事日用行習其人比閭族黨而其理則函天蓋地範圍不
過曲成不遺納千萬世之風俗人心于軌物仁讓之中而莫之或易
書言惇敘九族平章百姓馴至協和萬邦黎民於變時雍此物此志
也明自束髮受書即敬謹肄習服官以後遵奉

功令朔望宣講期于修己治人均有裨益惟是聖人之道愚夫愚婦可
與知能而溯其微言奧義則雖老師宿儒有終身尋繹之莫能罄者
宣講之時不過依文莊誦恐聞者未必能解又不敢妄加詮釋皇然
歉然積有年所撫黔時博加諮訪乃得有

聖諭廣訓衍義一書查係雍正丙午河東運同王名又樸所撰擬編次體例

備極嚴謹句櫛字比若道家常以布帛菽粟之文闡博大精深之旨
藉以追溯津途涵泳

聖澤仰見

作述相承

心源一貫

聖以繼

聖

經以生

經曠若發蒙昭如揭日矣明口詠手版摹印萬本以貽黔之士民至今家有
其書滋蜀以來欲循故事篋中僅有存本覆加校勘載付剞劂悉照
黔刻王本之式非惟不敢掠王之美並欲俾王當日所以揆揚

天藻摹繪

日月皇皇翼翼一片宣

化覺民之意展帙如或見之明故不惜廣爲印發期于多多益善明竊以謂
蒞官行法教化爲先教化旣行然後風俗醇厚民鮮犯法川民負性
尙氣往往干犯名義自罹罪罟且有悍然不顧敢於作奸犯科愍不
畏死者豈果山水之性使然抑爲上者教導不預及教之不得其道
或作或輟未能使之家喻戶曉優游饜飫俾日改過遷善而不自知
與果爾則不令直省官民孰復

聖諭廣訓而知其義其道無從今與官師士民約無論城鄉村鎮凡編入保
甲地方一律散給議擇執掌宣誦之人約期宅地敬謹宣示老幼男
婦咸使聞知積日累月入耳會心冀有以陶淑其性情柔擾其血氣
俾人人循理安分孝友睦嫺庶可政簡刑清日增上理以仰佐

聖天子化民成俗之治是則我守土之官所當率率兢兢督率稽查而誘掖

嘉慶辛未仲春四川總督臣常明恭紀

兵部尙書兼都察院右都御史總督四川等處地方兼理糧餉管巡撫事
徐 示照得

聖諭廣訓爲正本清源之書凡遇朔望官爲宣講其有讀書之士樂於勸善
爲人講解互相勸勉原爲例所不禁惟川省人情浮動不務根本競
尙奇邪往往假宣講

聖諭爲名劾引異說或託鸞筆斂錢惑眾淆亂人心此等積習飭卽嚴禁等
因此合行出示嚴禁爲此示仰紳耆軍民人等知悉嗣後爾等每屆
朔望靜候本部堂協同文武各官敬謹宣講

聖諭廣訓及

宣講集要

卷首

三

四言韻語倘各鄉讀書士子樂於勸善於各里各甲廣爲宣講必引先賢格言以儆眾杜邪說以惑人如有引異言假託鸞筆以無稽之談惑眾斂錢藉宣講

聖諭爲名以行巧詐者許在場聽聞之人立時扭稟懲究以遏邪風而正民俗各宜凜遵毋違特示

右諭通知

咸豐元年十月二十日 曉諭全省


四川全省總督部堂黃 通飭全省宣講等項札諭查淫詞小說最爲風

俗人心之害本干例禁于宣講一事原屬化導鄉愚自應永遠遵行今該州奉行不力知各廳州縣均係有名無實其何以厚風俗而正人心仰布按兩司即便飭各屬嚴禁書坊刊賣淫書將舊存之板片繳官銷燬並諭紳耆各就居住之鄉村市鎮公舉品行端方聲音宏亮之人每逢場期宣講

聖諭條約以廣教化並即遵照辦理毋違特示

咸豐五年八月

日札



聖諭六十條

- 第一訓 孝順父母
- 第二訓 尊敬長上
- 第三訓 和睦鄉里
- 第四訓 教訓子孫
- 第五訓 各安生理
- 第六訓 毋作非為

敦孝弟以重人倫
 和鄉黨以息爭訟
 尚節儉以惜財用
 黜異端以崇正學
 明禮讓以厚風俗
 訓子弟以禁非為
 戒逃匿以免株連
 聯保甲以弭盜賊

篤宗族以昭雍睦
 重農桑以足衣食
 隆學校以端士習
 講法律以儆愚頑
 務本業以定民志
 息誣告以全善良
 完錢糧以省催科
 解仇忿以重身命

六訓解

孝順父母

萬歲爺說如何是孝順父母人生世間不論貴賤貧富那箇身子不是父母生的眾人各各回頭思想當日父母未生你時節你身子在何處可是在父母身上做一塊不知你身與你父母身原是一塊肉一口氣一點骨血如何把你父母看做是兩箇且說你父母如何生養你來十箇月懷你在胎中十病九死三年抱你在懷中萬苦千辛擔了多少驚恐受了多少劬勞冷煖也失錯不得饑飽也失錯不得但稍有些病痛不怨兒子難養反怨自己失錯恨不得將身替代未曾吃飯先怕兒饑未曾穿衣先怕兒寒肥得稍長便延師教訓爬得人便定親婚娶教你做人教你勤謹望你興家立業望你讀書光顯那曾一刻放心若教得幾分像人便不勝歡喜若不聽教訓父母便一生無靠死也不瞑目死也割不斷父母這等樣心腸

待兒子看來今日這箇身子分明是父母活活分下來的今日這箇性命分明是父母時時刻刻養起來的今日這箇知覺分明是父母心心念念教出來的滿身一毛一髮無不是父母之恩爲子的從頭一思想如何報得及到你的身子日長一日父母的身子日老一日了若不及時孝順終天之恨如何解得我看今世上人將父母生養他恰似該當的所以不能孝順豈知慈烏也曉得反哺羔羊也曉得跪乳你們都是箇人反不如那禽獸可嘆可嘆今人不孝順的事也多端且只就眼前與你們說假如父母要一件東西值甚麼緊就生箇吝惜的心不肯與他父母吩咐一椿事沒甚難幹就生一箇推托的心不肯從他奉承有勢利的人無所不至就是被別人罵別人打也有甘心忍受的只自己父母罵了一句就生一箇真恨的心反眼相看又有一等人背了父母只愛自己的妻妾丟了父母反痛自己的兒女自己兒女死了號天動地哭斷肝腸爹娘死了哭也不痛還有假哭的若是六七十歲八九十歲死了反以爲當然何不將你愛妻妾的念頭疼兒女的念頭奉承勢利的念頭回頭一想此真是豺狼畜生天不容地不載生必遭王法死必入地獄我今勸你們眾人快快要孝順父母孝順也不難只有兩件事第一件要安父母的心第二件要養父母的身如何是安父母的心你平日在家裏行好事做好人不撞禍莫告狀一家安樂父母豈不快活教你妻妾教你兒孫大家柔聲下氣小心奉承莫要違拗莫要觸犯父母上面有祖父祖母也要體父母的心如親爹親娘一般父母身邊有兄弟有姊妹也體父母的心好生加意看待使父母在一日寬懷一日這便是安父母的心如何是養父母的身隨你的力量儘你的家私飢則奉食寒則奉衣早晚好生殷勤遇時節作慶拜遇生辰作祝賀有事替他代辦天病請醫調治這便是養父母的身倘或父母有不是處須要婉詞幾諫母心中悔悟不至得罪鄉黨親戚父母

或不喜我至於惱怒又要和顏悅色不可粗言盛氣以致激怒或父母平時交好之人請來勸解務使父母回心萬一天年告終盡心盡力以禮殯殮不可丟在古寺淹棄不葬四時八節以時祭祀這都是孝順的事今人不能孝順的又有一箇病根他說道我本要孝順怎奈父母不愛我此越發差了剛纔與你們說此身原是父母的兒子與父母論不得是非父母卽如天一般春來發生也由得天秋來下霜也由得天父母生出來的好也由得父母歹也由得父母說甚麼長短所以古人云天下無不是的父母今世上人有一等極愚極蠢的人也曉得敬神拜佛也曉得供養菩薩却曉不得家中有箇老爹老娘就是活神活佛活菩薩若肯發心奉養父母虛空神明默默護佑十分靈應此是實話況我亦有兒子我若不孝順父母我的兒子亦決不肯孝順我了古人說得好孝順還生孝順子忤逆還生忤逆兒但看簷前水點點不差移這箇報應斷然不爽

尊敬長上

高歲翁說如何是尊敬長上許大的世界許多人民都只是一箇名分教管得定只是一箇禮體安排得定名分就是這箇長上了禮體就是這箇尊敬了長上不止一項如叔伯祖父母伯叔姑娘兒姊之類便是本宗長上外祖父母舅母姨妻父母之類便是外親長上鄉黨之間有與祖父同輩者有與已同輩而年長者便是鄉黨長上如教學先生與百工技藝的師傅便是受業的長上本處親臨公祖父母官各上臺衙門及學校師長便是有位的長上這些倫理名分若天上地下一定擺列都該尊敬他嘗聞先輩家風俗凡尊長者說了卑幼唯唯聽命近來風俗薄惡多是少年狂妄用事任意胡行見親長有衰弱落薄者便不伏氣稱謂他見年高老成人便說道是古板子不要放在眼裏見達官長者便說道休要畏縮奉承他只管作大模大樣不該抗禮的也強與他抗禮以爲有氣岸殊不知他

宣讀集要卷首
年紀大似你行輩先似你識見多似你名位高似你你是卑幼他是尊長如何敢藐視他如何敢欺侮他假如他人輕忽你的祖父你必不喜下面人犯你你亦不堪何不將你自己的念頭轉想一想再行著這點驕傲的心眼底無人必至越禮犯分做出放膽事來決非保身全家消息所以人生天地間除了孝順父母第二件就是尊敬長上尊敬如何行則隨行坐則隅坐有問則謹對有命則奉承當揖就揖當拜就拜還不得一毫聰明倚不得一毫勢力這尊敬兩字又不是外面假做得的是一點謙謹畏懼的真心卽如今日你們心裏真有一點敬官府遵講讀聖諭的心纔叫做尊敬若只隨班胡混沒有這一點真心便聽些講讀總是故事口裏尊敬心中傲慢如何成得必要心中真有這尊敬長上的心外面纔有這尊敬長上的禮貌假粧不得又有一等人假粧外面像箇謙恭心中其實強很便要尋長上一箇破綻定要與長上做一箇對頭咬文嚼字無所不至這等樣人人面獸心到底干名犯義成了名教中罪人你們各各思量快要拔去那不尊敬長上的真病根方好且我能凡事守禮加謙謹一分尊長必然愛重鄉黨必然稱譽後生必然效慕終身終做得箇好人若帶些傲慢輕薄鄉里誰不惡你遠你那箇服你縱然才高發達去了亦終做不得人品古人說得好愛人者人恆愛之敬人者人恆敬之我今日雖是子弟他日就是長上我也將受別人的尊敬今日我若不肯尊敬人後日人亦決不肯尊敬我將如之何

和睦鄉里

萬歲爺說如何是和睦鄉里宇宙間茫茫大塊千村萬落何所紀極偶然與這些人生同一時住同一鄉豈不是有緣古人云八百買宅千萬買鄰可見鄉里最要緊的雖不是親眷到比那隔遠的親眷更相關切雖不是兄弟到比那不和好的兄弟更得幫助有力有等不知事的人只道各家門別

家戶有甚相干不知田地相連屋宇相接雞犬相聞起眼相見一塊地土脫不去躲不開那一件能瞞得他那一箇能孑然獨立況且是非也是鄉間間易得生冤家對頭也是鄉里間易得結大凡人家災禍多從與人不和睦起親戚不和睦他還顧些體面只有那鄉里不和睦決定有災禍所以鄉里關係最緊決要和睦鄉里却不同也有做官吏的極富極貴的這是箇強于你的鄉里安你貧賤的分小心尊敬不可得罪于他也有極貧極賤的這是不如你的鄉里存你一點憐惜的心常常要看顧周濟他就是趁工做小生理的甯可與他是錢不可剋剝了他遠年債負還不來的宜寬讓他也有一種極兇極惡的這是不好的鄉里要謹慎防避他却要以禮待他憑一點至誠心感動他化導他凡百事讓他忍他中間或更有一等賢人君子爲善積德的鄰里這是一方祥瑞百家師表在你比鄰更要日日去親近他事事去請教他待他要如父兄一般敬他要如師長一樣又有一等爾我尋常一般樣的鄰里都要你往我來如兄如弟早晚相見必須謙恭四時八節婚葬慶弔必須成禮有事相托有話相商必須同心有患難必須扶持有疾病必須看問有詞訟必須盡心解散不可搬弄扛幫有盜賊火燭必須協力救護不可幸災樂禍勿容六畜踐食人禾苗勿容兒輩侵壞人墳墓勿輕生以人命傾人勿廢業以賭博相戲小有觸忤置之不問稍有過失勸之使改這便是休戚相關一團和氣纔成一箇鄉里這等樣人鄉里中那箇不愛你敬你稱贊你你家有事那箇不來幫你官府見你尙義亦自嘉獎你況你出去相逢箇箇是相好的不消用得一毫機心何等快樂若你用一點機械的心待人人亦用一點詐害的心待你時時隄防憂慮何等苦楚今人不能和睦鄉里只是一箇私心惟恐他人高似你殊不知你只該去做好人自己向上何必妬忌別箇若一村都好了更有益又有一等人道讓了這一箇鄉里皆欺負我便做不得漢

子定要爭勝你試看那受用的人多是能喫虧的人又有一等人見鄉里待我不好就去怪他古人說得好他仇你不仇冤家到底結不成他不和睦你只管和睦一箇愚一箇賢到底也有悔心的日子若他仇你你仇他冤深害結唇齒相連必有一場大禍豈是保身全家之道我今且與你們說人在家間相處猶不覺得常想出外的人聽得一人似鄉裏的人聲不問貴賤便相親密又在他鄉外見一人從吾鄉來便不勝歡喜此點心就是和睦的真心人若能以出外的心待鄉里中的人安得不好

教訓子孫

萬歲爺說如何是教訓子孫人家興也是子孫人家敗也是子孫古人說有好子孫方是福無多田地不爲貧好與不好只爭箇教與不教世上人那一箇生下來就是賢人都是教訓成的那一箇生下來就是惡人都是不教訓壞的也有大姓人家生出來的子孫辱門敗戶也有貧寒人家生出來的子孫立身揚名可見全在教訓人生一世子孫是後程子孫不好任你有天大的產業無有受承眼光落地都做了一場話柄就是手藝人家也要一箇接代的兒孫所以人家子孫要緊有子孫的教訓也要緊每常見人家父母心愛兒子定要好食與他食好衣與他穿不思量喫慣了好的穿慣了好的後來自家做人止知精華慣了不知撙節賣田賣地從這等來又嘗見人家父母疼兒子怕他啼哭儘他要的便把與他儘他惱的便替他出氣不思量順從他慣了後來自家做人一概自由自縱打人罵人撞禍生事從這等來又常見人家父母喜歡兒子專一嘆他非禮之言只管戲狎詭詐之事只管作弄不思量褻狎慣了後來自家做人苟且歪邪奸盜詐僞從這等來及犯法到官身遭刑憲家業被他破敗祖宗被他玷辱父母兄弟妻子被他連累傍人群聚而笑曰此是敗人家子孫今日也到這箇田地那時父母割捨不得欲救他又不能悽悽惶惶只歎得幾口

氣悔也遲了以此一想子孫如何可不教教子孫如何可不早古人云嚴父出好子又云桑條從小鬱趁他年紀尙少正好作主急忙教訓若等他知識大了便喚他不轉故人家子孫必自幼時便思他後日結果要時時教訓他但教訓却有箇方法今人只曉望子孫強勝人不肯教子孫退讓入少年氣習易得驕暴反被父母教壞了又有知道教訓的動輒要子孫讀書做官這也不是世間讀書的多做官的少也有多少讀書仕宦的不能做一箇好官也有多少耕田隱逸的自己成人替父母爭口氣子孫若賢不必做官做官要命這箇是強不來的勸你們有子孫的好生教訓先教他做人教他做好人先教他存好心心是根本心好方得人好心好人好自然興家立業耀祖榮宗我今且分別幾等與你們說大抵子孫資性生來不同有等聰明的延師造就養他德業圖箇上進以光顯門戶此是第一等美事有等愚鈍的恐讀書不成須教他務一件本分生理爲農也可爲工也可爲商也可但都要存好心都要做好人明倫理顧廉耻習勤儉守法度切勿游手好閒切勿縱酒賭博切勿爭鬪打降切勿教唆爭訟諸如此類一一戒之方是箇教訓又有一說佳朋好友與他相處自然會好蕩子遊徒與他相狎自然會不好古人云近朱者赤近墨者黑可見教訓子孫的畢竟要慎擇同伴要敬師傅以爲教訓根本更有一說平日家庭間子孫在眼前父母說一句話行一件事早早晚晚兒孫聽將看著一都照箇影子在心田裏所以古人有胎教又說言行要留好樣與兒孫若祖父母原是歪邪的人便把聖賢道理日日與子孫諄諄講子孫誰肯信他可見教訓子孫畢竟要先自學好這都教你們男子的話就是女子也不可不教今日我家女子他日是別人家媳婦做女兒時不曾教得到做媳婦時學已無及所以也要自幼防閑教之以和諧訓之以貞靜如紡織廚竈井臼之類皆當親執其事切不可使安逸享用過了打奴罵婢熟

宣讀身要 第四訓

宣道集要 卷首
了多言亂語性子輕佻了以致後來驕很毒惡搬弄口舌貽累丈夫辱在
父母故人家不問男女教之皆不可不慎

各安生理

萬歲爺說如何是各安生理這生理二字你們眾人還省得麼生便是人的生
命理便是道理凡人要生必要循理所以叫做生理你百姓們那箇不要
生那有幾箇肯循理所以說要安生理論生理也多俗語云道路各別養
家一般如讀書便是儒士的生理耕田種地農夫的生理造作器用工匠
的生理買賣經營商賈的生理至若人無田地無資本又不能讀書不會
做手藝就與人傭工挑腳也是貧漢的生理各人只做自家本分事不去
高心妄想這便是各安生理大的有大成就小的有小著落箇箇皆可度
活就是目前未必見好將來必有好的日子如花木生在地上雖有早遲
不同若勤力灌溉日至之時自然結果成熟今有一等人這件已做得歹

邊問說別件更好便丟了去做那一件一心想東又一心想西千搬百弄
到底一事無成又有一等人不思前算後只說且過眼下那管得後來許
多遊遊蕩蕩終日胡混這樣人必然飢寒流落及至自家也沒擺布只得
做歹事了你試看賭博的下賤偷盜的那箇不是沒生理的人以此思想
便知生理一日丟不得大凡人勤謹便生起好念頭懶惰便生起妄念頭
一箇人有一件己事在身上他便無工夫去想別事若問行閒坐遇著一
兩箇沒正經人便做出無端事來就是有富貴家子弟頂一家擔業亦不
容易也要自家勞苦支撐方能成立一生盡靠不得祖父語云爲人莫要
心高又云自在不成人又云安常便是福守分過一生這幾句說得極好
曾見許多走空頭的行險遭凶不如小買小賣的自在平穩許多心高妄
想的分外營求不如 hands 藝會農田的長久安樂古人又說的好萬事不
由人計較一生都是命安排命運好作生理不求自至即使命運不好做

著生理也可將就過活日子也省得許多心機弄巧成拙我勸你世人須要各隨本分各安生理安意爲之沒有三心兩意將自己現成生理丟了不管弄自家智術欲與那造化爭衡能被你勝了我的我再與你們說破古人云食前方丈不過一飽大厦千間夜眠八尺休恨不如人人尙有不如你的就依你們平日所羨慕畢竟是讀書做官未聞不讀書可能作官這爵祿不是容易想的那做官的人自有做官的生理此係讀書的生理除了讀書論生理莫若農田好了古人叫耕種爲人大木叫買賣謂之逐未若是有田的人家統領子弟奴僕勤耕勤種一粒落地萬顆歸家比買賣的利有千倍萬倍園中栽桑地下栽棉有穿的池中蓄魚園中蓄菜家中蓄牲有吃的便是天年水旱廣種薄收也有餬口眼不見官府腳不踏城市山中宰相世上神仙這也是最好的何必定要做官假如無田的人家租得幾畝典得幾坵勤勤耕種完了主人租落得幾斗米雖是粗茶淡飯到比那膏粱吃得有味雖是粗衣大布到比那錦繡穿的更溫妻子也不驕奢慣了兒孫也不遊蕩慣了那農田的眞有許多妙處故論本分生理此爲第一手藝次之買賣又次之餘皆虛誑之事不該去習他

毋作非爲

萬歲爺說如何是毋作非爲這一句話是官長教百姓們最切骨的言語一部的律條也只爲這一句話做的如何叫作非爲凡一切不善之事大小都叫做非爲一部大清律笞杖流徒絞斬以至忤逆十惡都是一箇做非爲的樣子說不盡數不盡我今與你們指一箇端的凡事千差萬差只思身上一念之差一个念頭錯起直錯到那悔不得的田地你看那枷的杖的問徒問軍累死他鄉的擬絞擬斬分身法場的那箇不是粗心膽大一念差走了路到犯出來官府也顧恤不得你你那時節欲解救不得欲改悔不及只得垂首喪氣日受刑罰身名污了家業廢了父母妻子連累了

子孫世世受辱不可湔洗了何苦做這等樣人其間也有利欲昏心不知是非而冒爲的也有見識未定被人哄誘的也有杯酒戲弄惹成大事的大抵善惡兩端在慎于發初一念一念善則所爲無不是一念惡則所爲無不非方纔這等樣人皆自作自受理怨著誰到這箇田地地方纔知悔不會到這箇田地那曉得怕你們眾人各將自己心裏回頭一打點看一切非爲的心還是有還是無憑你瞞得人瞞得官瞞不得自己的心你自己心昭昭明白天看見鬼神看見古人云人間私語天聞若雷暗室虧心神目如電此等說話字字真切你若道自己乖巧能欺官能騙人鬼神暗中隨著你走絲毫隱不得你不怕官不怕人不怕法難道鬼神也不怕天也不怕你不怕天天決不放你你不怕鬼神鬼神決不饒你不遭官刑也要折福損壽尅子害孫縱然生子生孫也是與你討償的你看惡人子孫覆敗人人暢快以爲有天理那箇可憐他終久自害了自己你等閒居無事時夜半睡醒時念頭初起時仔細思量但有一點非爲的心你自家打點不過難對人說的或可與妻子說不可使他人聞的或可與腹心人聞不可與天地鬼神告的作急回頭痛自省改這便是做好人行好事的根基古人云諸惡莫作眾善奉行又云但行好事莫問前程又云平生不作虧心事半夜敲門心不驚替你千思萬想只是守著一箇勤儉百事小心富貴長久可保貧賤逐時可度欺心壞法的一毫斷不可做牢記牢記

聖諭廣訓序

書曰每歲孟春適人以木鐸徇于路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉聖福仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至于耕桑

作息之間本末精粗公私鉅細凡民情之所習者

睿慮之所周視爾編氓誠如赤子

聖有謨訓民徵定保萬世守之莫能易也朕繼承大統臨御兆人以

聖祖之心為心以

聖祖之政為政夙夜黽勉率由舊章惟恐小民遵信奉行久而或怠用是誥誠

以示提撕謹將

上諭十六條尋繹其義推衍其文共得萬言名曰

聖諭廣訓窮微遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視為條教號令之虛文共勉為謹身節用之庶人盡

除夫浮薄嚮凌之陋習則風俗醇厚家室和平在朝廷德化樂觀其成爾

後嗣子孫並受其福積善之家必有餘慶其理豈或爽哉

著南鄭縣正堂于 奉

漢中府正堂加二級王 為遵行條奏事奉

陝西布政司張 劄付蒙

撫督院牌案俱准戶部咨河南清吏司案呈七月十三日

內閣抄出大學士馬爾賽等條奏內閣該臣議得鄉約之設上以廣朝廷

之教化下以厚閭閻之風俗今直省各州縣皆于城內設立鄉約每月朔

望齊集耆老里長宣講

聖諭自疆宇遼闊人民眾多各鄉中尚有未設講約之所恐聽聞不廣未能偏

示訓行之意應令各州縣于大鄉大村俱設講約之所於舉貢生員內揀

選老成有學行者一人以為約正再選樸實謹守者三四人以為值月每

月朔望一鄉之耆老里長及讀書之人齊集一寬廠潔淨之所整治几案

向北面立先讀

聖諭廣訓抗聲宣講使人鵠立悚聽然後約正推說其義剴切叮嚀使人警悟通曉未明者仍許其質問講畢于鄉內有善者眾推之有過者許值月糾之約正詢其實狀眾無異詞乃命值月分別其善者書之于記善籍惡者書之于記過籍約正耆老閭徧皆付值月收之歲終則攷較其善過彙冊報之縣官縣官懲勸之有能改過者一體獎勵使之鼓舞不倦務期鄉曲愚民咸生孝友敦睦之思以臻一道同風之盛奉

旨依議等因奉此施行

雍正丙午仲夏河東陝西都轉運鹽司運同 **臣** 王又樸稽首頓首恭

四言韻語

奏為敬謹推闡

聖諭廣訓擬撰韻文仰祈

聖鑑事十月初四日內閣奉

上諭陳鑾等奏請勅下儒 **臣** 推闡

聖諭廣訓頒發各省等語向例各直省地方于朔望宣講

聖諭廣訓俾鄉曲愚民皆知向善良法美意允宜永遠遵行惟州縣地方遼濶

宣講仍未周徧著照所請嗣後各省學政到任卽恭書

聖諭廣訓刊刻刷印徑行各學徧給生童令人人得以誦習並著翰林院敬謹

推闡

聖諭內黜異端以崇正學一條擬撰有韻之文進呈候朕欽定頒發各省飭令

各該學政一並恭書徧頒鄉塾俾民間童年習誦潛移默化以敦風俗而

正人心欽此 **臣** 等敬謹于

聖諭廣訓內黜異端以崇正學一條推廣闡揚纂成四言韻文一篇恭呈

御覽伏候

欽定謹

奏

敬闡

廣訓黜異端以崇正學一條

惟天生民 異質同性 昇以五常 統乎百行 自聖及凡

無邪有正 本體既明 趨向乃定 惟聖覺世 振頑啟愚

防以刑政 迪以詩書 雷霆徹戶 日月照衢 提撕引掖

惟善之驅 緬思古昔 俗美化醇 豆觴知義 箕帚明倫

以忠于上 以孝于親 里因仁美 鄰以德薰 益因先民

正學是尚 戶謹師承 家遵蒙養 行不履邪 言不涉妄

聖教既昌 皇風斯暢 聿有二氏 曰老曰釋 老主清靜

釋宗叔滅 偽教雖殊 其旨則一 今之異端 乃襲其說

嗟彼異端 何獨非民 不知父子 不知君臣 若飲狂藥

如墜迷津 離經畔道 與匪為鄰 匪之不除 邪說競作

偽托師巫 妄言福禍 結會傳徒 糾盟黨惡 使我良民

受其愚惑 惟民之愚 見異思遷 謂可成佛 謂可昇仙

教之不悟 信之愈堅 不惜軀命 無論金錢 嗟爾之軀

生自父母 望爾承先 待爾啟後 達固為榮 窮亦可守

柰何不肖 受其脅誘 嗟爾之財 辛苦所餘 累非朝夕

積自錙銖 衣食所賴 緩急是需 奈何被惑 罄其蓄儲

今為爾告 爾其敬聽 自來百邪 不敵一正 見晷雪消

遇霜草隕 身敗名墜 曾不轉瞬 不見異端 男女同室

廉恥道亡 綱常理息 如彼禽獸 豈容天日 一旦伏誅

悔之無及 不見異端 如素念經 愚我黔首 亂我儒衿

生為民蠹	死受國刑	殃禍不救	祈祝無靈	不見異端
創立名號	敢肆講張	自外覆幬	剪鴟于林	磔鼠在道
曾不崇朝	首領莫保	前車可鑒	覆轍當思	何習其教
更拜為師	念此蠢蠢	哀我蚩蚩	狂瀾不返	疇其拯之
乃飭疆吏	乃命守土	為爾去莠	為爾除蠹	殄此虺蛇
投畀豺虎	一警迷途	同歸覺路	自今庶民	各守爾義
農服畊耘	士修孝弟	商阜其財	工勤其藝	莫作非為
永保勿替	更告爾民	武藝為先	冠不在美	衣不在鮮
武勇既備	禮讓並嫻	毋蹈非分	謹守勿愆	矧今盛世
何生不育	化及昆蟲	澤被草木	飽煖有資	俯仰具足
幸生其時	太平可樂	勿干國憲	勿犯王章	各安本務
共享平康	秋田息蠶	春社烹羊	人其承壽	天亦降祥

敦孝弟以重人倫

我

聖祖仁皇帝臨御六十一年法

祖尊

親孝思不匱

欽定孝經衍義一書衍釋經文義理詳貫無非孝治天下之意故

聖諭

十六條首以孝弟開其端首段言本行造其極者以教人是之謂聖諭敦
定校定也孝經衍義將孔聖孝經厚也勉也倫理也臨監管也御統理也欽敬也
推行其義以成書也釋注解也朕丕承鴻業追維往訓推廣立教之思
先申孝弟之義用是與爾兵民人等宣示之二段本深體聖訓者以立言
維向上尋思也申重也夫孝者天之經地之義民之行也人不知孝父母
宣明也備也示告也獨不思父母愛子之心乎方其未離懷抱饑不能自哺寒不能自衣為父
母者審音聲察形色笑則為之喜啼則為之憂行動則跬步不離疾痛則

宣講集要

卷首

敦孝弟以重人倫

寢食俱廢以教以養至於成人復為授家室謀生理百計經營心力俱瘁

父母之德實同昊天罔極三段先表親恩以動其良心經常也義宜也行

外慈愛敬順為覆載之常地之為坤母不能外慈愛敬順為順承利物之

宜民生天地之中各與以慈愛敬順之理不能外孝父母以行事也不能

哺食母養也衣去聲跬窺上聲半步也一舉足曰人子欲報親恩於萬一

跬再舉足曰步吳豪上聲吳天元氣廣大之天也自當內盡其心外盡其力謹身潔用以勤服勞以隆孝養毋博奕飲酒毋

好勇鬪狠毋好貨財私妻子縱使儀文未備而誠慤有餘推而廣之如曾

子所謂居處不莊非孝事君不忠非孝蒞官不敬非孝朋友不信非孝戰

陣不勇非孝皆孝子分內之事也四段詮孝而歸于誠慤因引曾子之言

文外面禮套如曲禮少儀內則所載多有慈謹也至若父有冢子稱曰家

督弟有伯兄稱曰家長凡日用出入事無大小眾子弟皆當咨稟焉飲食

必讓語言必順步趨必徐行坐立必居下凡以明弟道也夫十年以長則

兄事之五年以長則肩隨之况同氣之人乎五段詮弟而歸于敬順因引

家督家中督率事務者伯長也謀事曰咨稟受命也肩隨凡事退後之意

十年四句見曲禮言待夫兄長我者且然同氣同一父母之氣而生故

不孝與不弟相因事親與事長並重能為孝子然後能為悌弟能為孝子

悌弟然後在田野為循良之民在行間為忠勇之士爾兵民亦知為子當

孝為弟當悌所患習焉不察致自離於人倫之外若能痛自愧悔出於心

之至誠竭其力之當盡由一念孝弟積而至於念念皆然勿尚虛文勿略

細行勿沽名而市譽勿勤始而怠終孝弟之道庶克敦矣六段合說孝弟

勉以敦之也循良循順也守也言順理守法良善之民忠勇本愛敬之實

心以敬忠本服勞之苦節以敵愾當孝當弟是本性之明習熟復不已也

平日輕忽父兄之行習慣為常了致有逆之義有納之義痛自悔夫不孝

愧聽講後真見得待親長有刻薄處愈想愈痛而愧悔交集也不弟國有常刑然顯然之跡刑所能防隱然之地法所難及設罔知愧悔

自陷匪僻朕心深為不忍故叮嗚誥誠庶爾兵民咸體朕意感發興起各

盡子弟之職於戲聖人之德本於人倫堯舜之道不外孝弟孟子曰人人

親其親長其長而天下平爾兵民其毋視為具文焉七段此言聖上作

此一條有無窮深愛

敦孝弟以重人倫

此

屬望之意常刑永垂不朽之刑也顯然指犯出者隱然兼在心與在家庭者陷匪僻人入于非道偏邪猶身陷于井中也不忍必遭天誅也感感于心發發于愈與起與起于行於戲嘆美詞天下平天下皆孝子弟弟斷無犯上作亂之人也其文猶言辨的一篇好話

篤宗族以昭雍睦 第二條

書曰以親九族九族既睦是帝舜首以睦族示教也禮曰尊祖故敬宗敬宗故收族明人道必以睦族為重也夫家之有宗族猶水之有分派木之有分枝雖遠近異勢疏密異形要其本源則一故人之待其宗族也必如身之有四肢百骸務使血脈相通而疴癢相關周禮本此意以教民著為六行曰孝曰友而繼曰睦誠古今不易之常道也我

聖祖仁皇帝既諭爾等敦孝弟以重人倫即繼之曰篤宗族以昭雍睦蓋宗族

由人倫而推雍睦未昭即孝弟有所未盡朕為爾兵民詳訓之首段言宗族所以當篤之故總從孝弟推出是古今不易的道理篤厚而力也宗族同宗之族人也雍和也睦親也敬也書堯典以堯以己之大德也九族高曾祖考已身子孫曾元也禮大傳言尊始祖故敬大宗而百世宗之尊高祖故敬小宗而五世宗之宗道既篤故一族之人皆收聚而不離散也按祖始也人之始也宗尊也宗尊也宗尊也流派所出為宗族則統宗以下至萬世之人稱之也遠近點分派說言分派離所出之源有遠者有近者此我與族人離所同之祖有輩數多有輩數少者疎密貼分枝說言枝之東西各出有稀有密比人之大房二房人丁有強弱家計有窮富也要音敦求也四肢兩膀兩腿六行孝友睦嫻任恤大抵宗族之所以不篤者或富者多吝而無解推之德或貧者多求而生觖望之思或以貴凌賤而勢利泪其天親或以賤驕人而忿傲施於骨肉或貨財相競不念袒免之情或意見偶乖頓失宗親之義或偏聽妻孥之淺識或誤中讒慝之虛詞因而詬誶傾排無所不至非惟不知雍睦抑且忘為宗族矣爾兵民獨不思子姓之眾皆出祖宗一人之身奈何以一人之身分為子姓遽相視為途人而不顧哉一段先言所解解我衣以衣人推推我食以食人觖音決有缺之意觖望不滿所望而怨之也汨淹沒也天親天定之親競爭也袒免禮大傳五世袒免凡同五世祖者有喪則以布廣一寸從頂面前交于額又向後面繞于髻以為孝服也盡不和也孥子孫也謔訕謗也慝以惡藏于心者詬誶也詈也詈謂也傾毀也排推擠也子孫為子姓也昔張公藝九世同居江州陳氏七百日

共食凡屬一家一姓富念乃祖乃宗甯厚勿薄甯親勿疏長幼必以序相

治尊卑必以分相聯喜則相慶以結其綢繆戚則相憐以通其緩急立家
 廟以薦蒸嘗設家塾以課子弟置義田以贍貧乏修族譜以聯疏遠即單
 姓寒門或有未逮亦各隨其力所能為以自篤其親屬三段正講篤宗族
 平人高宗幸其宅問陸族之道公書百餘忍字以進意以尊長衣食不均
 卑幼禮節不備不可彼此責望能忍自睦也江州陳氏唐僖宗時德安陳
 仇孝友傳家上旌其門至陳崇主家時已九世同居四百餘口詔旌義門
 至陳衰創讀書院百間割四十頃為學資集族七百口詔旌義門三問義
 柱二條至宋時陳鴻共九百餘口詔重新義門歷陳競陳旭陳廷賞陳蘊
 榮詔不一五世公爵其時三千九百餘口矣出陳氏譜于實錄洽音狹和
 睦也綢繆言彼此情意相加結成一氣猶橫直經緯相參織成一疋好絹
 也薦進也又無姓而祭曰薦丞春祭名嘗秋祭名家塾二十五家同巷門
 側之學堂也課計功程也義田好義所捐公田也范文誠使一姓之中秩
 正立義田于畝以贍族人嫁娶喪葬之事贍賜也給也誠使一姓之中秩
 然藹然父與父言慈子與子言孝兄與兄言友弟與弟言恭雍睦昭而孝
 弟之行愈敦有司表為仁里君子稱為義門天下推為望族豈不美哉四段
 正講雍睦之
 昭義門同上若以小故而墮宗支以微嫌而傷親愛以侮慢而違遜讓之
 風以偷薄而虧敦睦之誼古道之不存即為國典所不恕爾兵民其交相

勸勵共體祖宗慈愛之心常切木本水源之念將見親睦之俗成於一鄉

一邑雍和之氣達於溥海內外諸福咸臻太平有象胥在是矣可不勗與

五段正戒其不篤而勉以篤也藜藿也偷苟且也
 典法也溥海溥迫也猶抵四海也胥皆也勗勉也

和

鄉黨以息爭訟 第三條

古者五族為黨五州為鄉睦婣任恤之教由來向矣顧鄉黨中生齒日繁
 比閭相接睚眦小失狎昵微嫌一或不誠凌競以起遂至屈辱公庭委身
 法吏負者自覺無顏勝者人皆側目以里巷之近而舉動相猜報復相尋
 何以為安生業長子孫之計哉

聖訓

仁皇帝潤人心之好競思化理之貴溥特布訓於鄉黨曰和所以息爭訟

於未萌也朕欲咸和萬民用是申告爾等以敦和之道焉首段言鄉黨爭訟有害

上所以憫之族百家州二千五百家睦婣任恤出周禮地官大司徒職親睦宗人媯和外戚以恩相信于朋友體恤貧人尚貴也齒年也比連也睦
 音厓恣舉目相忤也此剛之過狎玩熟也昵日日相親也此柔之過誠
 與戒同委棄置也法吏執法之官吏側目不屑正視里巷古者二十五家
 宜薄集要 和鄉黨以息爭訟

詩曰民之失德乾餼以愆言不和之漸起於細微也易

以溫厚事無大小皆處之以謙冲毋恃富以侮貧毋挾貴以凌賤毋飾智

以欺愚毋倚強以凌弱諛言可以解紛施德不必望報人有不及當以情

恕非義相干當以理遣此既有包容之度彼必生愧悔之心一朝能忍鄉

里稱為善良小忿不爭閭黨推其長厚鄉黨之和其益大矣古云非宅是

卜惟鄰是卜緩急可恃者莫如鄉黨二段言和鄉黨有益古人所以貴之

乾餼食之薄者猶言乾糧愆過也冲虛也老子書大盈若冲情恕原情容

恕理遣據理開發卜鄰宋季任罷南康市宅居呂僧珍宅旁呂問價答曰

一千一百萬呂怪其貴對務使一鄉之中父老子弟聯為一體安樂憂患

視同一家農商相資工賈相讓則民與民和訓練相習汎守相助則兵與

兵和兵出力以衛民民務養五段出財以贍兵兵務恤其財則兵與民

交相和由是而節食豆羹黍鼠牙雀角速訟無由豈至結怨耗財

廢時失業甚且破產流離以身殉法而不悟哉三段正言鄉黨和而爭訟

防護不測也節食豆羹此些小輸贏鼠牙雀角比無頭冤枉凡口中上曰

牙下曰齒蓋鼠本無牙雀本無角以比人之無中生有也速召也由由頭

意時耕耘收穫之時若夫巨室者年鄉黨之望膠庠髦士鄉黨之英宜以

和輯之風為一方表率而奸頑好事之徒或詭計刁唆或橫行嚇詐或貌

為冷比以煽誘或假托公言而把持有一於此里閭靡甯鄉論不容國法

具在爾兵民所當謹凜者也四段又言鄉黨之和不和在一方之人正不

功名者髦士凡讀書明理者表立一杆以作標者謂自己先和作箇樣子

率約督別人也好犯非禮者頑心不作德義者刁唆指入有事嚇詐指自

已與人有事洽比親附也煽以扇扇火也此人未投鳴他者公言剖公之

言把持成敗皆在他手中也此人已投鳴者閉音翰里門曰閉靡不也

夫天下者鄉黨之積也爾等誠遵

之懿訓尚親睦之淳風孝弟由此而益敦宗族由此而益篤里仁為美比

戶可封訟息人安延及世世協和徧於萬邦太和蒸於宇宙朕與爾兵民

永嘉賴焉未段由和鄉黨而推其效言一和則百和也蒸蒸也字

上下四旁南往古來今永嘉長以為佳美而依賴也

和鄉黨以息爭訟

聖祖

重農桑以足衣食 第四條

朕聞養民之本在於衣食農桑者衣食所由出也一夫不耕或受之饑一
 女不織或受之寒古者天子親耕后親桑躬為至尊不憚勤勞為天下倡
 凡為兆姓圖其本也夫衣食之道生於地長於時而聚於力本務所在稍
 不自力坐受其困故勤則男有餘粟女有餘帛不勤則仰不足事父母俯
 不足畜妻子其理然也首段言農桑為衣食本務先明其理一夫不耕數
 語本神農氏之教倡引導也生于地三句出龜錯
貴粟論兆姓十億
 曰兆天子稱兆民彼南北地土雖有高下燥溼之殊然高燥者宜黍稷下
 溼者宜秬稻食之所出不同其為農事一也樹桑養蠶除浙江四川湖北
 外餘省多不相宜然種麻種棉或績或紡衣之所出不同其事與樹桑一
 也二段言農桑土宜各重其事黍粟類苗似蘆實圓重以暑天種故謂之
 黍有赤黑二種稷似黍而小秋種夏熟穀之貴者秬音義穀之不粘者
 稻穀之總名有粘有糯績
 績也以指添績而成之也願吾民盡力農桑勿好逸惡勞勿始勤終怠勿
 因天時偶歉而輕棄田園勿慕奇贏倍利而輒改故業苟能重本務雖一

歲所入公私輸用而外羨餘無幾而日積月累以至身家饒裕子孫世守
 則利賴無窮不然而舍本逐末豈能若是之綿遠乎三段正勉民重農桑
 款一穀不升曰糴輸
 以物送人也輒忽然也饒
 豐餘也逐末謂商賈雜貨至爾兵隸在戎伍不事農桑試思月有分給之
 餉倉有支放之米皆百姓輸將以散給爾等各瞻身家一絲一粒莫不出
 自農桑爾等既享其利當彼此相安多方捍衛使農桑俱得盡力爾輩衣
 食永遠不匱則亦重有賴焉四段言兵亦重農桑隸附著也給贖也即養
 捍即
 贖意支分也輸將所完錢糧也贖賜也足也若地方文武官僚俱有勸課之責勿奪民時勿妨民事浮惰者懲之
五段勤苦者勞之務使野無曠土邑無游民農無舍其耒耜婦無休其蠶織五
 言官亦重農桑曠土空地耒耜耒耕田曲木也垂所作耒耜
 刀也神農作耜以金為之易斲木為耜謂斲木為受耜之處即至山澤
 園圃之利雞豚狗彘之畜亦皆養之有道取之有時以佐農桑之不逮庶
 幾克勤本業而衣食之源溥矣所慮五穀豐登或忽於儲畜布帛充贍或
 侈於費用不儉之弊與不勤等甚且貴金玉而忽菽粟工文繡而廢蠶桑

相率為初華靡麗之習尤爾兵民所當深戒者也六段即愛養博節之道以圖足衣足食之說山
有草木澤有魚鼈園有果自古盛王之世老者衣帛食肉黎民不饑不寒
子圃有菜蔬薄廣也徧也享富庶之盛而致教化之興其道胥由乎此我

聖祖仁皇帝念切民依常刊耕織圖頒行中外所以敦本阜民者甚至朕仰惟

聖諭念民事之至重廣為詮解勸爾等力於本務余一人衣租食稅願與天下

共飽煖也
七段言
聖上亦重農桑胥皆也刊刻也耕織

尚節儉以惜財用
第五條

生人不能一日而無用即不可一日而無財然必留有餘之財而後可供
不時之用故節儉尚焉夫財猶水也節儉猶水之蓄也水之流不蓄則一
洩無餘而水立涸矣財之流不節則用之無度而財立匱矣我

聖祖仁皇帝躬行節儉為天下先休養生息海內殷富猶兢兢以惜財用示訓

益自古民風皆貴乎節儉然勤而不儉則十夫之力不足供一夫之用積

歲所藏不足供一日之需其害為更甚也首段言財用之惜雖天子之富

日用有多有少如物之有節然不可過也儉去奢從約之謂非謂一味墜

名也不時不拘時謂常時也蓄聚也洩漏也度法則也尺寸之謂休養生

息休歇安養如左右的乃休吾民之休如書經引養引恬之

養生息人物蓄庶也殷豐盛也兢兢戒懼也不自安之貌夫兵丁錢糧

有一一定之數乃不知撙節衣好鮮麗食求甘美一月費數月之糧甚至稱

貸以遂其欲子母相權日復一日債深累重饑寒不免農民當豐收之年

倉箱充實本可積蓄乃酬酢往來率多浮費遂至空虛夫豐年尚至空虛

荒歉必至窮困亦其勢然也二段分言兵民不惜之害勢有必至撙音軫

言以本錢相權猶算也我以物送人曰獻人以此之人國家未嘗減其一

以物送我曰酬我復送人以物曰酬尚猶也日之糧天地未嘗不與以自然之利究至啼饑號寒困苦無告者皆不節

儉所致更或祖宗勤苦儉約日積月累以至充裕子孫承其遺業不知物

力艱難任意奢侈誇耀里黨稍不如人即以爲耻曾不轉盼遺產立盡無

以自存求如貧者之子孫並不可得於是寡廉鮮耻靡所不至弱者餓殍

...

...

...

...

...

溝壑強者作隱犯刑不儉之害一至於此易曰不節若則嗟若蓋言始不節儉必至嗟悔也三段統言不節之害難得怪人亦理有固然遺餘也轉盼即一揮眼意自存生活計也靡無也殍餓死者也易節卦六三爻爾兵民當凜遵

聖訓

思不忘為兵者知月糧有定與其至不足而冀格外之賞孰若留有餘以待可繼之糧為民者知豐歉無常與其但顧朝夕致貧窶之可憂孰若留貯將來為水旱之有備四段將節不節對勘與兵民看釋長也翻閱尋究也窶貧而困無以為禮也貶積也大抵儉為美德甯以固陋貽譏禮貴得中勿以驕盈自敗衣服不可過華飲食不可無節冠婚喪祭各安本分房屋器具務取素樸即歲時伏臘斗酒娛賓從俗從宜歸于約省為天地惜物力為朝廷惜恩膏為祖宗惜往日之勤勞為子孫惜後來之福澤自此富者不至於貧貧者可至於富安居樂業含哺鼓腹以副朕阜民誠俗之至意孝經有日謹身節用以養父母此庶人之孝也爾兵民其身體而力行之未段正慎以惜財用而結出實義所以防弊者深矣惜物力指農言惜恩膏指兵言哺首步食在口也爾稱也草盛也誠和也

隆學校以端士習 第六條

古者家有塾黨有庠州有序國有學固無人不在此所教之中專其督率之地董以師儒之官所以成人材而厚風俗合秀頑強懦使之歸於一致也我

聖祖

仁皇帝壽考作人特隆學校凡所以養士之恩教士之法無不備至蓋以士為四民之首人之所以待士者重則士之所以自待者益不可輕士習端而後鄉黨視為儀型風俗由之表率首段言古今設學教士之意古者州二千五百家國天子諸侯通家國而言塾庠序學皆學堂同地易名也董督也正也地指上塾庠等師儒之官致趣向也壽考作人木詩棫有儀可象之謂儀型鑄金模表率見第三條務令以孝弟為本材能為末器識為先文藝為後所讀者皆正書所交者皆正士確然於禮義之可守惕然於廉耻之當存惟恐立身一敗致玷宮牆惟恐名譽雖成負慙衿影如是斯可以為士否或躁競功利干犯名教習乎異端曲學而不知大

道鶩乎放言高論而不事躬行問其名則是考其實則非矣二段臚列士

端何者為不端材能為末士有多材能而不孝弟不得為士故曰末文藝

為後士有長文藝而無德器深識不得為士故曰後確堅也惕懼也宮牆

聖人之門即前塾庠序學等否不然也躁急進

也競爭也曲學如醫卜相畫之類鶩亂馳曰鶩昔胡瑗為教授學者濟濟

有成文翁治蜀中子弟由是大化故廣文一官朕特飭吏部悉以孝廉明

經補用凡以為興賢育才化民成俗計也三段言學校要隆胡瑗唐人為

後升太學學舍小不能容其弟子則在四方者觀其言談舉止不問可知

為先生之子弟子弟相與稱先生不問可知為胡公文翁漢文黨景帝時

為蜀郡守興學校遣司馬相如等十八人往受教還以教徒教化比于齊

魯蜀人祀之七教五倫外加長幼賓客廣文教官飭戒飭也吏部朝廷掌

權柄官孝廉則有實然學校之隆固在司教者有整齊嚴肅之規尤在為

士者有愛惜身名之意士品果端而後發為文章非空虛之語見之施為

非浮薄之行在野不媿名儒在國即為良臣所係顧不重哉四段言士習

媿與至於爾兵民恐不知學校之為重且以為與爾等無與不知身雖不

列於庠序性豈自外於倫常孟子曰謹庠序之教申之以孝弟之義又曰

人倫明於上小民親於下則學校不獨所以教士兼所以教民若鬻富之

中文武並列雖經義韜略所習者不同而入孝出弟人人所當共由也士

農不異業力田者悉能敦本務實則農亦士也兵民無異學即戎者皆知

敬長愛親則兵亦士也然則庠序者非爾兵民所當隆重者乎端人正士

者非爾兵民所當則傲者乎孰不有君臣父子之倫孰不有仁義禮智之

性勿謂學校之設止以為士各宜以善相勸以過相規向風慕義勉為良

善則氓之蚩蚩亦可以禮義為耕耘起武夫亦可以詩書為甲冑一道

同風之盛將復見於今日矣未段言兵民同在學校之中亦要端士之所

習與干也韜六韜也鳥熊龍虎豹犬姜太公

作畧三畧上中亦姜太公作而黃石公亦用之以教張良也鬻宮鬻宮經

義經史之要義氓亦民也禮義耕耘本禮運言始教人情者必先以禮猶

始治田者必先以耒耜故說用禮以當耕言制事者必審事之成而後行

猶種田者必種田之宜而種所當種者說陳義以種起武勇也詩書甲

冑本儒行甲冑身冑在首所以防身而詩書所以

檢身束心故云以詩書為甲冑一道同風本王制

黜異端以崇正學 第七條

黜異端以崇正學

朕惟欲厚風俗先正人心欲正人心先端學術夫人受天地之中以生惟此倫常日用之道為智愚之所共由索隱行怪聖賢不取易言蒙以養正聖功以之書言無偏無陂無反無側王道以之聖功王道悉本正學至於非聖之書不經之典驚世駭俗紛紛藉藉起而為民物之蠹皆為異端所宜屏絕首段從天命說入將正學與異端分箇明白黜貶斥也異端不同中理也索求也隱幽僻之理怪詭異之事不取孔子曰吾弗為之易蒙卦繫辭言童蒙之時要養以正道將來作聖之功實始於此以用也書洪範篇偏倚著不中也岐音秘傾邪不平也皆已私之存于心者反信常例不正皆已私之見于事者經常道也典法也藉音吉亦雜亂也藉藉又有甚盛意蠹蛀物蟲屏除也凡爾兵民願謹澹樸者固多間或迷於他歧以無知而罹罪戾朕甚憫之自古三教流傳儒宗而外厥有仙釋朱子曰釋氏之教都不管天地四方只是理會一箇心老氏之教只是要存得一箇神氣此朱子持平之言可知釋道之本旨矣自游食無賴之輩陰竊其名以壞其術大率假災祥禍福之事以售其誕幻無稽之談始則誘取貨利以圖肥己漸

至男女混淆聚處為燒香之會農工廢業相逢多語怪之人又其甚者奸回邪慝竄伏其中樹黨結盟夜聚曉散干犯名義惑世誣民及一旦發覺徵捕株連身陷囹圄累及妻子教主已為罪魁福緣且為禍本如白蓮聞香等教皆前車之鑒也又如西洋教宗天主亦屬不經因其人通曉歷數故國家用之爾等不可不知也三段恐兵民不知而歷指異端之害願謹以儒為宗理會一心所以佛家每在深山洞府勤修苦煉有神氣所以道家玄妙諸書煉已功夫惟在不洩精使精足上生氣氣足上生神神足則上升矣持平不毀不譽也指與旨同意趣也游食到處哄人飲食趙賴也售賣也誕大也傷易之言也程子言箴曰傷易則誕幻虛詐惑人也又妖術也竄藏匿樹黨各立一門黨也結盟要結誓言而殺牲以為名也徵召也捕擒捉也株連合根柢一齊連累也囹圄獄也前車已敗之車比早前的壞車鑿戒也夫左道惑眾律所不宥師巫邪術邦有常刑朝廷立法之意無非禁民為非導民為善黜邪崇正去危就安爾兵民以父母之身生太平無事之日衣食有賴俯仰無憂而顧昧恆性而即匪藝犯王章而干國憲不亦愚之甚哉三段言王法可畏釋赦也師凡傳異術者巫假祝神以惑人者恆恆常有之性善也匪藝非法也王章先王導

官言其更
民為善之章程國憲國
家禁民為非之法也 我

聖祖仁皇帝漸民以仁摩民以義藝極陳常煌煌大訓所以為世道人心計者至深遠矣爾兵民等宜仰體

聖心祇遵

聖教擯斥異端直如盜賊水火且水火盜賊害止及身異端之害害及人心心

之本體有正有邪苟有主持自然不惑四段言聖教當導漸仁漸平聲浸摩與磨同相切也言欲君民同歸于義也藝極樹立人道之極陳常敷陳五常之理煌煌如火之耀光炫耀世道世所當行之道人心人所本有之心擯屏將見品行端方諸邪不能勝正家庭和順遇難可以成祥事親孝事君忠盡人事者即足以集天庥不求非分不作非為敦本業者即可以迓神慶爾服爾耕爾講爾武安布帛菽粟之常遵蕩平正直之化則異端不待驅而自息矣未段言崇正學自有福而異端為無由集聚也迓迎也服勤習也驅逐也

講法律以儆愚頑 第八條

法律者帝王不得已而用之也法有深意律本人情明其意達其情則固

圖可空訟獄可息故懲創於已然不若警惕於未然之為得也首段言法律定要講

法律是一書法是深刻以論其理者故有深意律是條分以定其罪者實本人情懲創創亦懲也警惕以言戒慎之也謂必待以刑具戒慎之不若先講法律之周禮州長黨正族師皆於月吉屬其民而讀法大司寇懸象刑之法於象魏使萬民觀之知所向方今國家酌定律例委曲詳明昭示兵民俾各凜成憲遠於罪戾意甚厚也

聖祖仁皇帝深仁厚澤洽於兆民而於刑罰尤惓惓致意朕臨御以來體好生

之德施欽恤之恩屢頒赦款詳審爰書庶幾大化翔洽刑期無刑又念爾

為民者生長草野習于顛蒙為兵者身隸戎行易逞強悍每至誤觸王章

重干憲典因之特申訓誡儆省愚頑二段言古今皆講法律之意月吉每

千五百家每歲四次黨正掌五百家每歲七次族師長百家每歲十四次間胥掌二十五家每歲隨時讀法司寇刑部正刑明法之官象刑言朝廷立刑如天之垂象以示人象魏教令之書也每歲正月朔懸之酌審擇也凜戒守也成憲已成之法也戾亦罪也又不悔前過日戾洽濡周徧也

講法律以儆愚頑

三

惟恐同類之意願賜也爰書即記口供之書爰換也以文書代換花口詞
 也刑治化之沾濡周備于民者如鳥之回翔于天壤而好整以暇也刑期
 無刑言始雖用刑而實所以望人不為惡至于無刑也顧蒙顧專也又爾
 謹貌蒙覆也言民習于專謹而心如有物覆著者隸屬也悍性勇急也爾
 等幸際昇平休養生息均宜循分守禮以優游於化日舒長之世平居將
 頒行法律條分縷析講明意義見法知懼觀律懷刑如知不孝不弟之律
 自不敢為茂倫亂紀之行知鬪毆攘奪之律自不敢逞囂凌強暴之風知
 奸淫盜竊之律自有以遏其邪僻之心知越訴誣告之律自有以革其健
 訟之習三段正勉以講法律之事昇平昇日上也言太平之象如日之昇
故曰昇平休養生息見第五條化日舒長也析分也茂與滅同茂
 之莫得其端推之莫究其止而舒展長久也頒布也析分也茂與滅同茂
 倫亂紀如反叛殺父殺祖殺公姑殺夫殺家長是滅族凌刷罪決不待時
 為爭產告父告祖罵父罵祖與信陰陽將父祖屍燒毀改葬與叔姪成親
 皆逢赦不赦的毆奪如殺一家皆死罪三人謀殺故殺是滅族凌刷不待
 時的失手打死人有援赦緩赦之說估人田是流徒罪隱糧抗糧囑托公事盜
 搶奪的皆大罪充流小則杖笞罪淫盜如姦親屬妻女與一切強姦是滅
 族凌刷罪犯姦佔人妻女是死罪窩戶是流徒罪隱糧抗糧囑托公事盜
 賣人田是流徒杖罪竊三女不問多少就絞初犯自首不再犯可免誣告
 如唆訟的說事過錢的做光棍當閩將與誣告人的皆大則軍流小則益
 徒杖誣告人至死者逢赦不赦的死罪健訟強健而有力好訟者也益

法律千條萬緒不過準情度理天理人情心所同具心存於情理之中身
 必不陷於法律之內且爾兵民性縱愚頑或不能通曉理義未必不愛惜
 身家試思一蹈法網百苦備嘗與其宛轉呼號思避罪於箠楚之下何如
 洗心滌慮早悔過於清夜之間與其傾貲蕩產求減毫末而國法究不能
 逃何如改惡遷善不犯科條而身家可以長保四段從法律中指出情理
身家以儆愚頑箠楚追上声
 竹杖楚叢木一名刺倘不自儆省偶罹於法上辱父母下累妻孥鄉黨不我容宗族
 不我齒即或邀恩倖免而身敗行虧已不足比於人數追悔前非豈不晚
五段言不守法律之禍罹音
離遭也脊也累去声齒列也朕聞居家之法為善最樂保身之策安分
 為先毋以惡小可為有一惡即有一法以相治勿以罪輕可玩有一罪即
 有一律以相懲惟時時以三尺自凜人人以五刑自凜懼法自不犯法畏
 刑自可免刑匪僻潛消爭端不作愚者盡化為智頑者悉變為良民樂田
 疇兵安營伍用臻刑措之治不難矣末段言能守法律之效三尺古人以
三尺竹簡書律法五刑墨而刺面劓
 宣讀集要 卷之 講法律以儆愚頑 五

而割鼻刑而抉足宮割下陰大辟砍頭匪僻非為偏邪也田疇穀田為田
麻田為疇又耕治之田曰疇刑措置刑不用也成王時與漢文景時亦幾
致刑

明禮讓以厚風俗 第九條

漢儒有曰凡民函五常之性而其剛柔緩急音聲不同繫水土之風氣故
謂之風好惡取舍動靜無恆隨厥情欲故謂之俗其間淳漓厚薄難以強
同奢儉質文不能一致是以聖人制為禮以齊之首段提清風俗見禮所
由制漢儒班固淳質朴
也漓水偏于地 孔子曰安上全下莫善於禮蓋禮為天地之經萬物之序
其體至大且用至廣道德仁義非禮不成尊卑貴賤非禮不定冠昏喪祭
非禮不備郊廟燕饗非禮不行是知禮也者風俗之原也二段發揮禮字
見物無不體安
上二句出孝經廣要道章體大承天地句用廣承萬物句郊祭天
廟祭祖燕以示慈惠至于飲食享以訓恭儉設酒肉而不飲不食然禮之
用貴於和而禮之實子讓子曰能以禮讓為國乎何有又曰先之以禮
讓而民不

長其浮偽滋其文飾矣三段重振讓字見禮不虛行先之句出
孝經三才章縛音辱細也將奉也承也夫禮之節

文爾兵民或未盡習禮之實意爾兵民皆所自具即如事父母則當孝養

事長上則當恭順夫婦之有倡隨兄弟之有友愛朋友之有信義親族之

有款洽此即爾心自有之禮讓不待外求而得者也四段言禮讓不待外
求具備也辦也款誠

也留也洽
合也和也誠能和以處眾卑以自牧在家庭而父子兄弟敦於肅雍在鄉黨

而長幼老弱歸于親睦毋犯囂凌之戒毋蹈縱恣之愆毋肆一念之貪遂

成攘奪毋逞一時之忿致啟紛爭毋因貧富異形有蔑視之意毋見強弱

異勢起迫脅之心各戒澆漓共歸長厚則循於禮者無悖行敦於讓者無

競心藹然有恩秩然有義黨庠術序相率為俊良農工商賈不失為醇樸

即黜鈴介冑之士亦被服乎禮樂詩書以潛消其剽悍桀驁豈非太和之

氣大順之徵乎書曰謙受益滿招損古語又曰終身讓路不枉百步終身
讓畔不失一段可知禮讓之有得而無失也如此五段正明禮讓之實而
引古以贊其美牧守也

宣讀集要 卷首
養也驚喧驚陵犯侮也恣資去声放肆也迫脅以威力恐人也謁然猶濟
齊貌秩然有次序貌術同州見第六條韜箭衣鈴音箱車轄鐵也介鐵衣
曹鐵帽剽飄去声剽也殺也又輕剽悍強狠也榮凶暴也驚如朕願爾兵
馬之駿疾也徵驗也書大禹典謨古語朱仁執先生訓子弟語 朕願爾兵
民等聆

聖

之訓而返求之于身爾能和其心以待人則不和者自化爾能平其情
以接物則不平者亦孚一人倡之眾人從之一家行之一里效之由近以
及於遠由勉以至于安漸仁摩義俗厚風淳庶不負諄諄誥誡之意哉未

務本業以定民志 第十條

朕惟上天生民必各付一業使爲立身之本故人之生雖智愚不同強弱
異等莫不擇一業以自處居此業者皆有本分當爲之事藉以有利於身
藉以有用於世幼而習焉長而安焉不見異物而遷焉此孟子之所謂恆
產即

聖祖仁皇帝

之所謂本業也首段提出本業見人人當務務專力也定安也付

隨在居那一業有用于世蓋人之習業不但爲利謀原要爲世上有用之人恆產常借以生活之產也 維茲本業實爲先務
凡爲士農爲工商以及軍伍業雖不同而務所當務則同也夫身之所習
爲業心之所向爲志所習既專則所向自定書曰功崇惟志業廣惟勤蓋
業與志本相須而成也但恐日久而生厭舍舊而圖新或爲浮言所動或
因際遇未通一念游移半途而廢作非分之營求生意外之妄想究之朝
夕營營不恆其德資生寡策歷久無成而志遂以荒而業遂以廢矣二言志
業相須業不務則志不定志不定則業愈廢所以要務書周官篇功以成
功言崇高也成功欲高在乎志之不安小成業以所習言所習欲廣在乎
勤而不辟勞苦須資也言業無志不成志無業不能定也浮言無定之言際遇遇合也營營往來無定貌 夫業每荒於嬉而必
精於勤志貴奮于始而尤勵于終朕樂觀爾之成不忍見爾之廢也爲士
者謹身修行矻矻窮年服習詩書敦崇禮讓退爲有本之學進爲有用之
才爲農者春耕秋斂不失其時樽節愛養不愆于度先事以備水旱如期

而輸稅糧使地無餘利人無餘力工則審四時飭六材日省而月試居肆而事成商則通有無權貴賤交易而退各得其所務體公平毋蹈欺詐若夫身列行伍行陣即其業也弓馬騎射操練之必精步伐止齊演習之必熟屯田則事墾闢守汛則嚴刁斗備邊則險要之宜知防海則風濤之宜悉庶幾無負本業矣三段詳訓務本之實荒荒忽不常也危危音窟勞極也窮年盡我之年也服被服習孰復不已也敦厚也崇尊也退回家進出仕擢節裁抑使不過節也愛養如谷果以時食斧斤以時入之類審四時月令春器疏以達真器高以相秋器高以深冬器固以奄六材曲禮下土木金石賦草肆官府造作處所欲也步進趨伐擊刺止齊有規矩也見收誓屯田勒兵而守曰屯蓋養兵之田也刁斗以金為之軍中朝炊夜擊者備邊守邊疆也防海防海水也悉詳盡也夫天下無易成之業而亦無不可成之業各守乃業則業無不成各安其志則志無有驚毋相侵擾毋敢怠荒甯惜於勤劬勿貪夫逸樂甯安于樸守勿視乎紛華熙熙然士食舊德農服先疇工利器用商通貨財兵資捍衛各盡乃職各世其業上以繼祖宗之傳下以緜子孫之緒富庶豐亨游于光天化日之下以仰答

聖祖

誥誠之殷懷以克副朕休養之至意願不共享其福與未段言本業務而民志定也驚亂也日驚劬疲勞也逸放縱也熙熙和樂貌食舊德守前人所遺之業也服先疇習先人所耕治之田也世世守也綿不絕也緒絲頭也使子孫世守不絕如拈著此頭緒而抽來無窮也光天帝德之光偏天下也化日氣化舒長也副稱也休養即安養意願助語辭

訓

子弟以禁非為第十一條

從來教萬民訓子弟黨正族師月吉讀法歲時校比師田行役則令卒伍而簡兵器朝夕誥誠人知自愛不敢偶蹈于非休哉何風之隆與我

聖祖

仁皇帝臨御六十一年安保赤之仁廣教家之治深恩厚澤休養生息以至于今朕繼承大統仰體

聖祖

子惠元元之心無日不以爾百姓為念尤無日不以爾百姓之子弟為心首段言古來訓法周密今日有養不可無訓黨正族師見第八條師田也出師田獵行役凡出使于外卒百人伍五人簡選也續繼也元元大眾也人生十年曰幼學二十曰弱冠血氣未定知識漸開訓導懲戒之方莫

切于此二段言訓子弟之時正禁于未然的實際學可學習也冠成人之禮也語出曲禮未定對老人講漸開對孩提講訓導開其善懲戒宣講集要 卷首 務本業以定民志

此其 大凡子弟之率不謹皆由父兄之教不先所恃為父兄者啟其德性
過其邪心廣其器識謹其嗜好至于愛親敬長之念人所固有爾父兄誠
能明示其訓俾知父子有親君臣有義夫婦有別長幼有序朋友有信以
端其本則人倫明而干紀犯分之咎自鮮矣三段言訓子弟之人而歷指所訓之事率行也教不先二
句本韓文公恃依賴也器以人品言識以見聞言紀倫紀分名分 夫士農工商各有專業軍士之家世習
技勇其人之淑慝邪正必自為子弟之日始語云少成若天性習慣成自
然民間非為之事漸漬成風或游手好閑博奕飲酒或結納匪類放僻邪
侈往往陷溺而不悟甚者羅法網犯刑章爾為父兄者獨能晏然而已乎
四段言不訓有必致之禍專業技勇言僅此還當不得是訓淑慝以心術言邪正以品行言漬漚物也言風俗之敗由漸而成如水之漚物積久而壞也匪類一切不正之人罹遭也 與其追悔於事後孰若嚴訓于平時蓋行莫重于孝弟
力田心必存乎禮義廉耻可模可範以身教之耳提面命以言教之使子
弟見聞日熟循蹈規矩之中久之心地消長行止端重可以寡過而保家
即可

揚既光 材也且庭訓素嫻子弟克肖則國家賓興令典自致顯
入垂裕爾後昆父兄俱與有榮焉即使愚魯不敏而服

教安化形 厥躬鄉黨稱為良愿一家之休祥孰大于是五段言能訓有

無窮之樂樽也賓興周禮地事有成者鄉大夫六者中有一事焉六可以自進即今考試意 况今日之子弟又為將來之
父兄積善相承誨迪不倦將見戶興禮讓入敦孝弟自通都大邑以至窮
鄉僻壤太平之象與國俱長庶不虛朕殷殷期勗之至意矣六段又即訓子弟而推廣
言之通都大邑皆富勝之地有先王之廟曰都無曰邑窮鄉僻壤遠方無人到之處也 夫好善則閭閻子弟可致尊
榮苟不善則公卿子弟流為卑賤義方之教切磋之功可不豫嚴于蒙穉
之年乎爾兵民其敬聽之毋忽末段總結通篇閭閻民也義方以父言切嗟以兄言穉禾之始生者比幼弱時也
息誣告以全善良 第十二條

國家之立法所以懲不善而儆無良豈反為奸民開訐告之路而令善良

受傾陷之害哉夫人必有切膚之冤非可以理遣情恕者于是鳴于官以

求申理此告之所由也首段言官府放告原有不得不告者許發人陰私

條鳴投鳴凡物不得日許切膚膚皮也言切身之災情恕理遣見第三

其平則鳴申伸也乃有奸宄不法之徒好事舞文陰謀肆毒或捏虛以

成實或借徑以生波或設計以報宿嫌或移禍以卸已罪顛倒是非混淆

曲直往往飾沈寃負痛之詞逞射影捕風之術二段言強梁誣告奸宄起

舞變弄也文律文漢張湯與趙禹定諸律務在深文故玩法日舞文毒人

聲宿素也飾粉飾沈寃猶深寃負痛由芒刺在背也射影暗害人者如蟻

狐含沙以射人影人即中其害而不知捕風如更有教唆詞訟者以刀筆

平空害人者如風本無根脚而彼從而捕之也三段言惡徒唆使誣告善良構結也成也

為生涯視獄訟為兒戲深文以冀其巧中構釁而圖其重酬鄉里畏之名

曰訟師因而朋比協謀黨惡互證有司或一時受蔽至使良善之輩不能

自白桁楊在前箠楚在後鍊鍛之下何求不得縱至事明冤雪而拖累困

苦小則廢時失業大則蕩產破家善之被誣可憫而凶頑之誣善良尤可

痛恨也三段言惡徒唆使誣告善良構結也成也

路溫舒緩刑書言治刑者恐上官有翻官先將罪狀

詳熟周納致之法中如治工之鍛些金然雪洗也

聖祖仁皇帝矜恤下民重懲其弊

頒示訓諭有曰息誣告以全善良夫誣告有反坐之條令甲煌煌乃敢作奸犯

科而不畏者利欲薰心詭薄成性方且恣其含沙之毒僥倖於法網之寬

殊不知無情之辭一經審察莫可逃避造釁以傾人究之布阱以自陷亦

何利之有嘗聞古人或認牛而不辨或奪禾而不爭卒開愧悔之誠翻成

禮讓之美若斯之風誠可嘉尚爾兵民所當景效焉四段言誣告而受反

明科條也含沙見上射影注認牛漢劉寬駕牛車出行有失牛者認所駕

為已牛寬曰是爾牛耶乃與之及失牛者還得已牛急送付寬寬曰非爾

牛耶失牛者謝罪寬曰物固有相似者奪禾漢鍾離牧山陰人少貧遷永

禾殺此人吾將還山陰官乃止其人自春米得且尋釋

聖訓

不曰禁而曰息與其治之以法不若感之使自化也蓋官吏之見聞或疎

疎則猶煩揣測鄉鄰之耳目最近近則素所稔知為之抉其根株窮其黨

息誣告以全善良

息誣告以全善良

息誣告以全善良

息誣告以全善良

息誣告以全善良

類出于無心者緩語以曉之成於有意者危言以誠之彼善良之家素行足以質之里閭而無愧而誣告之人言辭既非情實迫于公論則不敢誣揆諸本心亦不忍誣凡前此之陰謀秘計一旦悚然改悔如冰消霧釋兵不誣兵而兵之善良者全民不誣民而民之善良者全兵民不相為誣而兵民舉全不致赴官終訟兩造俱傷庶幾從風慕義胥天下而歸于無訟豈不休哉尚其咸喻而凜遵焉

末段以息訟責重鄉鄰乃息字本旨尋繹細思也稔熟也挾接也悚然恐怖也舉皆

也從風從上之化如物之隨風也胥相視也

誠 逃匿以免株連 第十三條

朕撫臨億兆合四海為一家聯萬姓為一體中外旗民本無異視第以國初定制八旗人員在內則拱衛京師在外則駐防各省如有不奉使令潛往他鄉者即為逃人例有嚴禁逃人所至之地兵民人等不行覺察擅自容留者罪並及之

首段言逃人與匿逃皆有定罪誠與戒同匿藏也株根也中外指滿漢旗民指在旗下為兵者國初我清始

有天下之初八旗滿漢蒙古各有八旗正藍正白正紅正黃鑲藍鑲白鑲紅鑲黃拱環向之意駐馬立也覺明也發也擅專也

按匿逃情

弊大約不外兩端凡在逃之人意氣言詞必多巧飾爾等或受其欺罔不辨為逃人而率意容留者有之或利其財物明知其為逃人而通同隱匿者有之夫主僕之間乃大義所在逃人背主蔑義窩逃者黨不義而藐王章逃者恃匿者以為之蔽也法安得恕也

二段言逃匿情弊所以有罪按考察也通同通行商同也主指主將窩藏也黨相助

匿非為黨藐輕視也數大澤也野獸所聚處

故順治五年之例窩逃者問擬大辟並籍其家鄰佑十家等皆徙邊遠康熙十五年定例凡窩逃之

正犯流徙尚揚堡兩鄰十家長罪止杖徒此皆我

聖祖

仁皇帝矜恤愚民罪疑惟輕故改從寬典也又屢年恩詔將逃人事件概行赦免國家施法外之仁寬督捕之罰無非欲爾兵民革薄從忠遷善改過使蓬門葦戶出入優游共享太平無事之福

三段正言株連之罪問問罪也擬議也籍簿書也言

以簿書書其名也正犯窩家主人流放罪人使如水之流而不還也古者大罪流四裔次九州外次千里外徙遷移也尚陽堡外遣受罪處徙亦充

誠逃匿以免株連

罪或數月或一年或二三年革更改也言改輕薄為忠厚也蓬門以蓬蒿為門也華與算同竹器華戶織竹如算以為戶也按算音秘墊甌蒸飲者爾兵民等共仰體

聖祖

誥誡之慈懷與朕誦諭之至意謹身率教循理奉公不交游手無藉之徒不為行險僥倖之事毋徇私情而干國憲毋貪微利而忘身家如此則并里晏然四鄰安堵胥吏不擾雞犬無驚而國家刑期無刑之化亦可以觀厥成矣四段正言能誠則能免無藉見第七條狗音訓順也堵垣也謂安處墻垣之內胥市中供給差役者倘因法網既寬復蹈故轍營私受賄藏惡養奸則自取其辜何能曲宥况夫逃竄之人性既冥頑又無生理所習種種不端大而盜賊小而賭博一經發覺皆犯科條容留之家又安能脫然事外不罹罪譴耶五段言不誠則不能免辜罪也竄藏也冥暗也頑癡也發也胥也譴責也周易曰比之匪人不亦傷乎晏子曰君子居必擇鄰所以避患也可知奸猾子蕩之徒皆足為善良之累朕願爾等父誡其子兄誠其弟隊長誠其行伊細約誠其比間祇奉訓詞各遠非義則地方甯謐

俗厚風淳又何患株連之偶及哉未段引古作結以申勸誡之意周易比也謚音密安也

完錢糧

以省催科第十四條

自昔畫野分州任土作貢而賦稅以興凡國之五禮百度輸用出入皆賴焉此君所必需于民下所宜供於上古今通義未之或改且以制官祿所以治我民以給兵餉所以衛我民以備荒歉所以養我民取諸天下還為天下用之人主之倉廩府庫豈厲民而以自養耶首段言興錢糧的通意也倉廩所以貯穀府庫也我朝自定鼎以來賦額悉準經制且橫徵私派一切革除未嘗絲毫多取于民溯

聖祖

仁皇帝深仁厚澤豢養斯民六十餘年時以閭閻豐裕為念所蠲免錢糧何止千萬億遐邇之濡被固已淪肌浹髓矣二段言我朝取以義鼎禹以九州之金鑄之三足凡得天

完錢糧以免催科

下者必遷九鼎故曰定鼎橫私指前朝言象養凡饑性穀食夫緩徵薄斂

日象蠲除也淪浹淪入于脂膚浹洽于骨髓言深入民心也

加惠元元君之德也以下奉上先公後私民之職也屬在兵民宜喻此意

三段言民要自知大義勿惰而嬉荒其本業勿奢而耗費其資財勿逡巡

公指賦稅私指家用觀望冀邀賜復之殊恩勿轉委輸將致被豪猾之中飽依限而納毋待追

呼然後以其所餘養父母畢婚姻給朝夕供伏臘縣庭有臥治之官村巷

無夜呼之吏俯仰無累妻孥晏然其為安樂莫踰于此

四段言完了有許多好處義也逡巡

卻退貌觀望謂板望別人意復免錢糧也轉委輸將以物與人曰輸將亦

與也言托人完納被音避及也中飽在中間吞飽也限部限四月完半九

月完全伏臘四時之節氣臥治漢景帝拜汲長孺為淮陽太守尙不知國

課之當重國法之難寬或有意抗違或任情遲緩有司迫奏銷之限不得

不嚴追比胥役受鞭撻之苦不得不肆誅求剝啄叩門多方需索無名之

費或反浮于應納之數而究竟所未完者仍不能為爾寬貸不知何樂而

為此

五段言不完有許多煩惱亦義也剝刀割也啄鳥物食也無名指夫

應酬胥役之費應納之應音因當也凡訓應酬則念去音實施也夫

供胥役之侵漁曷若輸朝廷之正供為抗糧之頑戶曷若為守法之良民

人雖至愚亦必知之

六段反正對勘出義方與民看侵漸進况平上好仁

而下好義情屬一體爾思廟堂之上所日夜憂勞者在于民事水溢則為

隄防旱魃則為虔禱蝗蝻則撲滅幸不成災則爾享其利不幸成災則又

為之蠲租為之賑濟如此而為民者尙忍遺賦以誤國需問之于心亦何

以自安譬人子于父母分產授業以後必服勞奉養庶盡厥職乃父母恩

勤顧復不遺餘力而為子者自私其財缺甘旨而違色養尙得謂之人子

乎朕用是諄諄諾誠但願爾兵民上念軍國下念身家外有效忠之名內

受安享之實官不煩而吏不擾何樂如之爾兵民清夜自思其咸體朕意

末段復論之恩以申勸勉之意溢漫溢也蝗蝻皆食苗虫飛者為蝗走者

為蝻通也需須也國之所必須待者吏差吏清夜即三更後外物未交

心頭暫清此等夜分正好將日間事來問自己良心

保甲以弭盜賊 第十五條

宣詩集要

卷首

完錢糧以省催科

三

從來安民在於弭盜摘發守禦之法必當先事而爲之備故緝捕有賞疎
縱有罰諱盜有禁違限有條而最善者莫如保甲十家爲甲十甲爲保甲
有長保有正設立簿冊交察互警此卽井田守望之遺制所以

聖祖仁皇帝上諭曰聯保甲以弭盜賊誠欲使四海九州閭閻安堵澄本清源

聖慮實爲周切矣首段言立法安民一本古制弭音米止也摘發緝音惕發也

挑也趙廣漢傳發姦捕彼此相糾捕捉也疎縱疎忽

縱放也諱護短曰諱限捕獲之限期也簿冊

卽烟戶冊澄靜而清也周切周遍而切近也

第恐遵行既久遂至因循吏

則徒稽戶籍民則僅置門牌而於聯比糾察之法未見實心奉行以至勾

引窩藏之弊種種而生鄰舍失事竟有如秦越之相視富家被劫反指爲

悖出之當然甚且假公濟私藉盤詰之虛名滋無厭之苛求汛防因而騷

擾胥吏緣以生奸有保甲之名無保甲之實有保甲之累無保甲之益此

盜賊之所以難弭也二段言保甲不聯則盜賊難弭比聯也密也糾督也

加喜戚於其心言不相開切也悖出悖亂也言平日亂取之人財今日以

端意生奸如詐赫責之類

夫良法之有利於民在奉行之必求其實嗣後

城市鄉村嚴行保甲每處各自分保每保各統一甲城以坊分鄉以圖別

排鄰比戶互相防閑一甲之中巨室大戶僮佃多至數百此內良否本戶

自有責任若一厘一舍之散布村落者有業無業或良或否里正保正得

以微窺於平素一出一入得以隱察其行踪遇有不務恆業羣飲聚博鬪

雞走狗夜集曉散以及履歷不明踪跡可疑者皆立爲糾舉不許暫容甲

內其荒原古廟鬧市叢林尤易藏奸更宜加緊防察至汛地兵丁務必晝

夜巡邏一體查詰毋借端生事毋挾讐陷害毋受賄賂而徇縱毋惜面情

而姑容協力同心輪流分派則盜賊毋容身之地軍民享安靜之樂矣查

昔人禦盜之法村置一樓樓設一鼓一家有失擊鼓爲號羣起而守其要

害盜賊將安所逃所謂寓兵法於保甲中也若夫江海出沒之區有未可

以保甲行者舟楫往來給號聯船彼此互相稽察匪類亦難藏匿皆在實

宣講集要 完錢糧以省催科

心奉行先事而為之備三段歷指聯之法在於實心奉行坊音方城中
不得入閑使不得出立社為界則建坊圖即一團防閑皆管理意防使
聚也落居也人所聚居羅上去二聲環繞游行之卒賄賂贈送
貨物也要害緊要利害處羅上二聲環繞游行之卒賄賂贈送
者失財連坐者受累不惟負朕息盜安民之至意亦且非爾等保身保家
之良策也未段復反
言以結之

解讐忿以重身命 第十六條

朕惟人道莫大於守身民之有身所以務本力田養父母而畜妻子兵之
有身所以嫻習技勇資捍衛以報朝廷身為有用之身則皆當自愛乃生
人氣質之偏不能變化往往血氣用事至一發而不可遏激怒崇朝竟成
莫解互相報復兩敗俱傷其起甚微而其害甚大不念爰書抵罪一定之
律雖國家法網甚寬亦不能為殺人者施法外之仁


聖祖仁皇帝訓諭十六條而終之以重身命誠哀矜惻之至意也首段言身命本重而

人不自重技材能也如弓馬刀鎗之類資賴也捍抵也衛護也過止也
朝崇終也終一朝之時也爰書見第八條網竟史記言漢法之寬如網露
吞舟之魚惻惻口不夫天地以好生為心而惻惻之倫不自顧惜人君以
言而心傷之過也
愛養為政而蚩蚩之眾每至輕生非釁起於夙昔之讐即禍生於一朝之
忿強者恃臂力之剛殺人亡命弱者希抵償之罪赴水投繯忿以成讐讐
而益忿二段承上言人不自重由於仇忿不解也惻惻失志貌原其致此
之由固非一端而兵民所易犯者尤多於縱酒蓋酒之為物能亂人心志
使失其故常或賓主酬酢始以合歡而俱入醉鄉則一言不合至操刀而
相向或睚眦之怨本可冰釋及酒酣耳熱則一發難忍若不共天之深讐
每見刑曹命案相傷於酒後者十有五三噫置身縲紲家破人亡甚或累
及妻孥禍延鄉黨而後拊心自悼悔何及矣三段推言仇忿不解多在酒
賓日獻賓答酌主日醉主復酌賓日酬睡見第三條永釋如水之化無
有渣滓也酬半醒半醉日酬不共謂殺父兄之仇曹聚也局也所設刑罰
聚集之局因也縲黑索也縲自今以往皆當敬聆
拘牽也拊拍也擊也悼傷也

解讐忿以保身命

聖諭時時提醒思讎與身孰重毋追既往之讎而昧將來之患思忿與命孰輕毋快目前之忿而貽事後之悔縱人或以非禮相加似難含忍然一念夫身命攸關則從父兄訓誨聽親友調和無不可情恕理遣至酒之為害尤宜深戒古之人既立之監或佐之史蓋惟恐載號載吸亂邊豆而起爭端也其可沈湎荒腆致陷身於刑戮乎四段正勉人解仇忿重身命而戒酒禍也理遣見第三段古人衛武公飲酒悔過作賓筵篇監以察其愆史以書其失號呼也吸謹也邊豆穀具也沈湎溺於酒也荒腆荒忽而益厚於酒也所引古詩見即不遭禍而亂德失儀亦當戒也語有之忍之斯須乃全爾軀故解去讎忿則全生保家之道胥在於此養其和平消其亢戾不待排難解紛而凌競之習自然息化何其風之醱也孔子曰忿思難孟子曰橫逆猶是此亦妄人也已矣聖賢之遺訓與

聖祖仁皇帝之明諭固千秋同揆也凡爾兵民凜之毋忽則閭閻相保營伍相安下以承家上以報國優游盛世同臻仁壽之域非解讎忿之明效歟未段先以解仇忿之道在於能忍能忍能自反也忍之二語周武王劍銘斯須片刻也軀身也亢高也戾乖也橫逆不順理而至也醱醱也厚也揆葵上聲度也踳至也仁手足痿痺為不仁故人之身安為仁長命為壽



皇朝集要

卷首

二四

